



文苑
蒲
叢
四

頌教文

~ 20
2457
5



和
23325

20
2457
5

文苑黼黻卷之八目錄

頒教文十

皇明迎勅
附

皇太子誕生詔勅頒教文二

迎登極詔勅頒教文

迎勅頒教文

德宗大王追崇迎勅昭惠王后受誥頒教文

貞顯王后受誥頒教文

仁宗大王冊世子迎勅頒教文

仁宗大王迎封勅頒教文

明宗大王迎封勅頒教文



文苑黼黻卷之八目錄

仁穆王后受誥頒教文

廢世子祗迎勅頒教文

廢世子祗冕服欽賜頒教文

仁祖大王迎封勅頒教文

昭顯世子冊封迎勅頒教文

孝宗大王冊世子迎勅頒教文

景宗大王冊世子迎勅頒教文

英宗大王冊世弟迎勅頒教文

英宗大王迎封勅頒教文

王大妃殿冊封迎勅頒教文

真宗大王冊世子迎勅頒教文

莊獻世子冊封迎勅頒教文

當宁冊世孫迎勅頒教文

當宁迎封勅頒教文

文孝世子冊封迎勅頒教文

康熙討叛迎勅頒教文

清太后尊謚迎勅頒教文

雍正登極後迎勅頒教文

康熙紓廟後迎勅頒教文

康熙追上尊號後迎勅頒教文

清皇后謚踊迎勅頒教文

雍正謚踊太后謚踊迎勅頒教文

雍正祔廟迎勅頒教文

清太后加上尊踊皇后冊封迎勅頒教文

清皇后謚踊迎勅頒教文

清太后尊踊迎勅頒教文

清太后加上尊踊皇后冊封迎勅頒教文

清太后周甲上尊踊迎勅頒教文

清太后加上尊踊討平迎勅頒教文

乾隆回部討平迎勅頒教文

清太后謚踊迎勅頒教文

清太后八十稱慶尊踊迎勅頒教文

清太后祔廟迎勅頒教文



文苑補遺卷之八

頌教文十 皇明迎勅
○清勅附

皇太子誕生詔勅頌教文 仁祖丙寅

流虹報瑞徵一人之元良彩鳳頌綸預萬邦之同慶
茲深愴悅誕告丁寧自古國有休禎莫如天錫祚胤
肆華封之祝聖請以壽富多男伊周雅之頌君美其
本支百世恭惟我皇之濬哲所謂中國之聖人錫厥
庶民歛時五福格于上帝降之百祥震夙載生已繫
四海之望離明繼照將至萬年惟王宜肆土之均歡
豈眇躬之獨喜云云於戲媚于天子予欲克世忠貞

錫其股肱爾尚圖報恩澤

大提學鄭經世製

皇太子誕生詔勅頒教文

仁祖丙寅

天既眷佑聖人用錫祚胤帝乃寵綏藩服誕降絲綸
茲實四海之同懽爰與萬姓而稱慶念惟景命集我
皇朝聖繼神承延曆數於億禩乾履坤載均化育於
八紘屬當寶位之光臨旋叶郊禘之昭膺七鬯有主
賴陰隲於宗祊瓜瓞綿休覃慶澤於寰宇深軫小邦
之凋瘵不欲重煩以餼牢錫賚便蕃悉遵依于舊典
詔勅宣布仍順付于陪臣已於五月初三日丁亥親
率百寮郊迎詔勅開讀訖寵渥無前遐邇胥悅肆發

浚汗之踊以彰殊異之恩云云於戲得一人之元良

永基熙洽歛五福以敷錫共享休嘉

大提學張維製

迎登極詔勅頒教文

仁祖戊辰

聖人首出聲名洋溢於中華恩詔下頒榮寵焜耀於
東土萬物咸覩八路同歡念惟忠順天朝寔我祖宗
家法自頃嗣服罔愆舊章凡有覃恩輒同內服肆當
高明之繼照與紆浚踊之來宣昭回十行首獎內向
之滿篤明見萬里旋軫外患之方殷降錫賚之便蕃
順付回价慮餼牢之累重特輟行人擴體遠恤下之
仁明厚往薄來之義舉八荒將躋壽域顧一邦偏荷

龍光是惟寰宇之洪休當與臣民而同慶五百年而
有作舍生幸際昌期億萬世而無疆太平當自今日

大提學鄭經世製

迎勅頒教文

臚園丘於一陽爰舉紀典晉徽誦於四祖式昭孝思
喜溢燕京恩加區內惟我箕封之一域久奉奠朔於
大邦恤小之德如山千里安帖揚武之烈動地四海
來歸柔北剌南事有光於前代反始報本禮則隆於
昌辰三錢之庫已封十行之禮斯降左昭右穆森羅
於鳳函之中日君月妃照耀於鯁岑之外望洋麗鴻

之盛舉賜眼錫予之便蕃蜀錦齊紈色射扶桑之曉

旭滌池星畢澤浸涸轍之枯魚奚亶一方自私實是

普天同慶云云於戲帝有大賚我迺用休瑕咎滅磨

不獨小人之幸昔哉原赦將見君子之庸

大提學趙綱製

德宗大王追崇迎勅昭惠王后受誥頒教文

成宗乙未

予以眇末入承大統君臨一國已七年于茲亦惟我

先王積德所及永言劬勞每切顯揚之懷豈意微誠

得達于上追爵贈謚又封王妃並賜章服豈惟予一

人有慶群臣上下所與共榮宜推寬典用示同歡云

云於戲自天有命優荷寵賚之光與國咸休用布寬

大之澤

貞顯王后受誥頒教文

為國莫先於正妃推恩必因乎大慶予以寡昧承祖
宗之托作神人之主夙夜兢惕欲資內助之治以為
御家之基不幸前妃失德茲甚已廢置外第念惟尹
氏早以窈窕之賢夙著肅雍之德宮掖歸心臣民屬
望茲承三殿懿旨冊封為王妃仍具辭陳奏欽蒙皇
帝聖恩賜誥命冠服兼頒內帑之珍亦許軍國之需
凡有所奏並蒙俞允顧惟皇恩之罔極實是一國之
同慶宜推莫大之恩以答非常之眷云云於戲帝賚

便蕃既翟第之增耀解澤苟霈盍鷄竿之誕頒

仁宗大王冊世子迎勅頒教文

中宗辛巳
仁宗封勅

預定國本所以係屬群情為宗社萬世計世子諱年
在幼弱德宇天成學問日就足以承祧主鬯已順一
國臣民之望建為儲嗣請命天朝即蒙允俞使介遠
臨寵錫備至豈但一時之慶是乃無疆惟休當與四
方享茲大美云云於戲有命自天既正元良之誦推
仁及遠宜加浚汗之恩

仁宗大王迎封勅頒教文

仁宗乙巳

予以涼德造國家不造續祖宗艱大之業荷神祇付

文苑補遺 卷八
昇之隆方深在疚之懷忽承自天之命賜祭贈謚榮
已加於先考錫服降誥寵亦及於眇躬逮至寡妃并
受皇眷事先宗祖感徹幽明欲覃汪濊之澤盍推作
解之仁云云於戲運撫亨嘉得安榮之共保恩深履
載庶仁壽之同躋

明宗大王迎封勅頒教文

明宗丙午

家既不造禍酷延於父兄命則維新隆顧及於孤寡
雖摧痛之切已奈曆數之在天有厥初當圖厥終正
其名思保其位民非后何戴茲受誥而為君后非民
疇依宜施惠而固本况於嗣服之始而有錫賚之繁

先王既易美名賻祭兼至小子奄承前緒章幣俱臻
斯豈一身之哀榮實是舉國之寵慶肆因無疆之恤
用布非常之恩云云於戲

仁穆王后受誥頒教文

宣祖壬寅

龜誦玉縷坤儀夙正於去年鸞誥翟褱晉錫畢加於
今日茲推浚汗誕示寵綏屬外虞之未紓俄中饋之
仍缺王化資於內治寤寐求賢天意畀我好逮宮闈
嗣慶盖儼極之匪久伊垂範之可觀莞篲乃安已占
弈業之兆父母必告爰申請瑞之章何圖逮下之休
恩極舉從爵之茂典降芝綸而進彌國有小君頌筭

玆而疏榮家承法服嘉惠豈班於盤鑑聖眷實踰於
統純穆臨閨房宜嬪御之稱願恭事宗廟庶祖考之
昭歆繁釐浹於縉緹大賚徧於邦域乃於年月日欽
承皇勅章明景貺率籲衆心非緣芳猷曷膺帝祉云
云於戲肯灾肆赦四方囿雍睦之風本支蕃昌萬世
衍靈長之福

大提學李
好閔製

廢世子祔迎勅頒教文

前星出震喜宗祧之有歸中使自天驚冊命之蔭
降宜慶典之大霈示皇靈之遠覃念王者纂承丕
基必先乎建立元嗣故名位早定而衆罔不悅典

禮極崇而人不為私肆予即作之初首陳封儲之
請覆允雖遵於故事適許實出於異恩一札昭回
誕揭錫命之旨十襲燦爛特頒在筭之珍重荷鴻
私之曲成蓋見國本之增固茲推解澤之曠蕩不
避浚弼之頻煩咨爾齊民孰非延頸願戴者欽我
新命庶幾扶杖往聽之云云宜更始之自今爰舉
斯而加彼於戲重暉重潤綿鼎祚於億年並育並
生灑天仁於萬物

大提學李
廷龜製

廢世子祔冕服欽賜頒教文

國本所繫既正貳極之名天命用申載承七章之

錫茲當異數之降用霈同慶之恩念惟元嗣之良
久屬宗祧之托冊命邁下式隆豫建之規冕服未
頒奈無恒賜之例茲煩申請之奏乃蒙特許之榮
一札昭回誕揭如綸之旨十襲燦爛悉分在筭之
珍皆出聖皇之隆私復見景泰之遺制緇衣之好
豈但改作改為朱芾斯皇益見重暉重潤是乃稀
濶之慶曷勝感喜之情爰覃恩於百僚欲並生於
一國云云於戲如新受賜益迓安吉之休其始自

今永享靈長之福

大提學李廷龜製

仁祖大王迎封勅頒教文

仁祖甲子

守聖人之大寶若涉淵水荷天子之寵靈誕承綸綍
大顛有衆更始自今洪惟子孝臣忠實是天經地義
苟於此而獲罪其在人而曷容往者倫紀之憂予豈
得已既以社稷為重他不敢知應臣民不釋之心勉
奉慈旨肆祖宗克勤之度恭請天朝虞帝聖讒交亂
之震驚莫售漢皇見遠十行之溫諭來宣錫之茅土
尊名委以藩籬重寄登受下拜咫尺悅承天顏國定
民安毫髮孰非帝力恩均大造豈惟寡昧獨蒙運啓
重恢庶見神人胥悅云云於戲無疆休亦無疆恤何
敢自逸於細氈能善始貴能善終願與同躋乎壽域

大提學鄭經世製

昭顯世子冊封迎勅頌教文

仁祖

高明闡耀允協輿情溲渥自天載加顯冊非徒一人
有慶實是八路同休永念固本之知圖無不立嗣為
先務將以承艱大之業是用慎選擇之方自古及今
率由乎茲典惟治與亂重係於嗣君儲位不可暫虛
既定社稷之計封典未能自擅仰籲宸和之嚴降十
行之鳳綸寔念繼體之主環千里之鯨域且副延頸
之望矧予違豫於經年幸而紓憂於今日聰明孝友
之成性豈獨父子之相知監撫付畀之得賢抑亦祖

宗之陰騰蓋仁間夙著於私第而智慮益明於艱屯
宜膺福履之無疆式賴皇天之有眷問寢視膳故伸
三朝之儀獻歲發春咸遂群生之樂豈嫌偏枯之戒
斯布浚汗之音嗟我民之顛連與爾衆而更始云云
於戲否極而泰可見天地之心有感則通共沐生成

之化

藝文提學金著國製

孝宗大王冊世子迎勅頌教文

仁祖乙酉

定國本而申請實出輿情宣帝命而加恩式闡封典
茲敷誕告用示同歡念王者務樹弘猷莫重乎先立
元嗣蓋祖宗積累之業永綿於貽謀而邦家久長之

基益昌於繼體惟儲位固宜早建顧冊禮未敢擅行
肆陳呼籲之章遠紆先副之眷誕揭正名之旨一札
昭回兼頌在笥之珍十襲燦爛彌增守祧之重適侈
主器之儀愧寡躬幸紹丕圖喜元良夙著仁德延頸
願戴亦想爾臣庶之心扶杖往聽其承此浚汗之踊
天時且協正值陽和解澤苟流合垂涵貸云云於戲
重輝重潤知福祚之無疆並育並生見履燾之咸遍

大提學秦裕後製

景宗大王冊世子迎勅頌教文

肅宗庚午

慶毓宗紈喜儲位之預建榮侈顯冊辱使華之遐臨

肆敷寵靈誕告臣庶言念寡昧之晚得一嗣實惟祖
宗之默佑我家孝敬自篤於孩提可見出天之性溫
文漸進於諭教已至就傅之年而先祧之有歸億兆
係望故正妃之取養中外交懽屬當正踰於宸朝乃
敢邀懇於上國皇情眷恤主器益軫於外藩大誥頒
宣加恩寔遵於故制屈星使於荒裔浹汗絲綸分珍
錫於尚方便蕃錦綵樹鴻基於永久庶無繼序之憂
貽燕謨於方來實有翼子之責純嘏並叙頌周詩之
月恒衆祥俱臻騰漢謠於海潤豈但一人之私喜宜
與八域而共休云云於戲敷十行而用亶心腹悉布

俾萬姓而咸聽舞蹈斯均立愛惟親罔群品而普育
宥過無大自今日而更新大提學呂道一製

英宗大王冊世弟迎勅頌教文景宗辛丑

托元良於介弟慶溢宗祚降顯冊於小邦恩浹區宇
一人有喜萬姓同休念我青宮夙彰玄德聰明孝友
天至豈亶寡躬之深知儉約謙恭日聞實亦國人之
咸頌且有溫文典學之美而兼特達成務之才茲因
主器之重心托繼體之重向也嗣續漸晚幾軫寧考
之深憂今焉宗祀有歸寔賴列祖之陰隲民心所係
名跡雖定於本朝封典有常陳請敢緩於上國儼然

皇華之造降煨乎溫綉之昭垂冊賚俱頌一一皆恩
造獎勉兼厚萬萬出尋常綵禮初成盈庭動色而相
賀休光彌著率土延頸而交欣日輪為之增輝寧新
霽澤邦命從而永固用侈洪私云云於戲謹授精一
之傳期萬世之重洽爰發浚汗之誦與兆民而更新

李光佐製
官大提學

英宗大王迎封勅頌教文英宗乙巳

遭家不造方深繼序之悲申命用休聿迓錫封之寵
肆揚浚誦祗率藝章念皇天崇降鞠凶閔小子苻罹
憂疚弓劍已遠望白雲而何追日月不淹愴玄隧之

永闕續寧人之舊服勉循群情微上國之新恩敬奉
慈旨豈意賊靈之曲軫仍荷麗澤之普覃使華遠臨
此內甸而均視冊命誕賁洎中壺而並隆啓琅函而
錦綵輝煌擎寶札而綸綍爛縵至於獎飭之特厚尤
出懷綏之深衷茲惟先朝侯度之修字應不爽故在
今日勅典之降德意有加幸際昌明寔賴涵覆之靡
間自顧眇末詎望救寧而圖功已於本月十七日親
率百官郊延詔勅開讀訖撫時物而增悽曷勝掩抑
滌瑕垢而布惠不昧恩仁云云於戲命哲命年既受
無疆之休恤慎終慎始庶勉共濟于艱難

大提學李
宜顯製

王大妃殿冊封迎勅頌教文

英宗庚辰

翟儀居體先彼端闡鸞誥疏封喜溢宗國寅承懿慶
敬稱彝章念眇躬紹列祖之休而暮齡資哲妃之助
奏嘉止於文母之寢斯正大倫贊孝思於昭考之庭
聿中令度珩佩靚穆佇交警於德音禕衣肅雖與共
將於經事陽輝賴以永耀柔教從而丕熙自床琴之
聲聞應門而六宮待帝子之聖迨筐藻之禮見清廟
而九服歌天妹之仁祗率典常遂請誥命績總備珠
軒之飾名數既隆紫廷邀金冊之榮奔奏是亟儼然
使華之狎至爛乎制詞之遠頌錦采炫鮮奉琅函而

凱澤旁洽璽書優渥啓芝泥而景雲下融顙告輒勤
申一邦俟命之意寵靈遙降荷四牡宣詔之恩龍光
所施蠕動胥悅八埏流峙咸資博厚之功百郡垢瑕
溥霑滌蕩之惠云云於戲綽禮則終始并吉庶見邇
遐之同歡徽猷則內外相成式賴陟降之敷佑

黃景源製

藝文提學

真宗大王冊世子迎勅頌教文 英宗乙巳

重離闡休位躡早定於儲嗣顯冊疏寵使介榮賁於
遐荒式表同歡庸申敷告念惟保守邦基之道允賴
付托主器之賢皇天眷佑我家既永錫其祚胤眇躬

新服厥命宜亟建乎元良惟孝敬寔出生知願聰明
蓋由自得德性日就學不煩於提撕仁聞夙彰望已
叶於暉潤國本不容暫曠丕恢經遠之圖封典未敢
自專迺顙字小之德何幸曲全之盛意特紆造許之
隆恩遵申錫之儀章光榮普被屈皇華於原隰庇覆
彌勤錦彩扈煌頌殊珍於在筭絲綸發聳休命於
啓函寵靈所加中外胥慶祥嘏並集已喜瘡痍之夫
安典禮克崇更覩宗祏之益固肆畫滌於瑕垢俾咸
囿於厯鴻云云於戲洪圖永繼共享靈長之福和澤
旁流正屬文泰之期

大提學李宜顙製

莊獻世子冊封迎勅頒教文

英宗 戊午

少陽正貳極之位國本斯隆大邦申顯冊之章使華
遠賁茲當一人之有慶嘉與八域而同休念列祖祐
我後人而皇天錫以祚胤三宗之血脉復續矣但予
心之攸欣一國之神人有依仰亦群情之胥悅願睿
贊之天縱乃德器之日成即自學言之初允矣聰明
孝友之德性纔及勝衣之歲儼然動容周旋之合儀
惟其有克岐克嶷之姿所以騰重潤重曜之頌始名
元嗣蓋欲係億兆之心遂并貳尊亶為重宗社之計
離阿保而接賓僚誰謂冲藐之齡殿衮服而喜經文

可見卓異之稟既托顯承之丕緒爰請封誥之疏恩
蚤建寔出遠圖位踰雖定彝典必闡上國陳奏斯勤
幸荷洪私光宣寵命璇函雙奉浚如綸之恩言寶冊
斯頒侈在筭之殊錫甲觀既闢予無憂乎震器增光
慶維新矣希世之縟儀載舉在庭之歡情惟均式遵
舊章誕敷新幣云云於戲春陽方煦景運同熙祥騰
以貞導和氣於萬姓業鞏不接綿寶曆於億年斯將
敷心之言以副迓頌之望

弘文提學
尹惠教製
英宗 癸未

當宁冊世孫迎勅頒教文

青宮定踰左海之日輪重暉紫誥疏恩上國之星軫

遠屆寵光所被播告之脩念我邦於千萬年華文孫
乃十二歲承列祖錫羨之慶允符漢觀之凝祥供高
年在抱之歡實叶周家之傳緒猗歟岐嶷之挺質藹
然孝悌之根心聰明特達之知天成粵自孩提而始
溫文將就之功日著克盡蒙養之方真邦籙於泰磐
載驗繼體之象定國本於鼎器寔副延頸之情加元
服而舉舟梁之儀儼有成人之責齒辟雍而聽圜橋
之講咸仰典學之工惟令姿并貳極之尊繫和緒續
三宗之脉精一相授併禹謨而可貽神人攸依昇湯
孫而不顯雖儲位不容暫曠而封誦未敢自專控于

大邦以禮則可揆諸彝典有願必從幸茲皇華之造
臨聿觀寵命之誕降絲綸浚發攷經史而正名誥冊
昭垂併錦綵而侈賜念一人之有慶駿命維新迓百
祿之無疆鴻業式鞏前星增曜浚法服於身章匝域
同歡頌隆私於心貺茲當綉儀之克舉詎緩寵澤之
誕敷云云於戲洪圖永承寔為宗社靈長之福仁化
方洽政屬雷雨解沛之期

洪啓禧製官
藝文提學

當中丙申

當中迎封勅頌教文

皇華遙臨捧哀詔而頌典靈土永靖揭徽稱而歸尊
式遵異章庸中敷告嗟旻天降茲大割而仙御奄然

上賓率土哀纏緬至德而靡逮因山禮訖攀真遊而
 永遐茲修赴告於大邦特荷慰諭之洪渥皇情震悼
 既軫隱崇之方使旨臨宣更侈吊祭之寵義謚節惠
 紆眷禮於易名榮誥疏恩並宮壺而錫命至若真考
 追隆之典獲伸小子崇奉之誠倫序正而宗祧增光
 儀文備而幽明知感瑤函表貺煇睢錦之文章金泥
 凝祥擎宸綸而怵惕殊恩既篤於哀禮吉音又頒於
 戎功惟彼南川底定之謨亦粵東朝垂裕之慶薦惟
 之至化潛洽可見啓佑之無疆蠻荆之妖氛廓清舉
 喜威靈之丕暢寶冊闡顯揚之義聖孝彌彰膺功隆

凱獻之儀盛美有自猗歟嘉祥之啓運允矣懿踰之
 稱情哀榮推字小之恩閔予家之不造神武鋪經遠
 之畧仰大字之永寧想已庚已行之規禮率其舊軫
 外內無間之意嘉與同休斯乃希觀之文詎無肆赦
 之舉云云於戲恩深德厚永期侯度之克虔海晏河
 清爭頌皇圖之益鞏

弘文提學 李宜哲製

當守甲辰

文孝世子冊封迎勅頌教文

定丕踰於春闈慶叶豫建賁華誥於藩服寵紆臨宣
 爰表同歡庸渙播告念邦家啓熙洽之運而元良膺
 長發之休岐嶷端凝儼然德器之天挺聰明仁孝允

又發蕭蕭 卷八
十一
矣知思之日開嘉樹微繫馬之祥皇天篤佑彌月符
流虹之節陟降垂麻茲值聖祖御極之年迺舉貳郎
冊封之禮景運重屆叶邦慶於寶祚洪圖絳儀順成
占天休於祥雲瑞日俯循群請名彌既建於本朝仰
祈疏恩情悃猥陳於大國幸荷諒察之渥特賜允許
之音不日準施無煩禮部之議先期豫報復馳駟騎
之傳副日夕願企之心歡均朝野真鼎器鞏固之勢
慶溢宗祚適當使華之遙臨更侈賞賚之殊異文房
四友既勉學業之進修詔旨十行更祈壽祿之長遠
兼寶誥之輝映先生啓函并錦綵之便蕃恩沾在笥

大庭受賀肆舉呼嵩之儀匝城宣綸庸推沛澤之典
云云於戲重輝重潤益致鴻祚之靈長并育并生佇
見麗澤之普洽肆敷心腹而誕告思與品物而同熙

大提學吳
載純製

康熙討叛迎勅頌教文 肅宗壬戌

上國成定亂之功德音遠布於海外率土有同慶之
喜覃恩復施於寰中茲承顯休用申敷告念自大朝
之承運無或一方之阻兵聲教流行彌億萬里干戈
帖息垂四十年不圖數世之致隆遽爾三柱之倡亂
藉方隅專制之力黃屋自娛負累朝豢養之恩白頭

乃叛連結黨援之衆憑陵險絕之區逮元惡之殞亡
仍末孫之猖獗奮螳螂之臂久抗問罪之師聚蜂蟻
之屯益滿肆虐之計肆惟皇上之赫怒爰命武臣而
專征兵威所加若雷霆之震疊賊勢雖盛猶歲月之
倔強乃勤八載之經營幸見一朝之掃蕩凶渠受馘
餘黨悉已就擒邊境息烽生民自此真枕既已告捷
於郊廟且又頒嘉於藩邦玉節遙臨咸仰靈光之冕
燮瑤函乍啓更荷詔諭之丁寧皆出一視之仁益切
均歡之意茲實歷代之罕觀宜有德音之是宣云云
於戲世運隆昌固有神人之所佑天下休慶寧以遠

近而或殊

清太后尊謚迎勅頒教文

肅宗戊戌

廟儀肇修八域囿於霈澤宸札遠降四牡臨於偏陬
式遵恩言庸錫播告永惟大國之洪佑久奉長秋之
至歡東朝抗算方期榮養於萬歲上天降割那知遇
密於八音嗟凶問之未暮奄歲籥之已改陞祔太室
肅宗禋之自今崇奉徽稱儼照臨之如昨願中土之
有慶而外服之必推一視同仁萬里不遠金闕北望
隔賀班而馳情玉節東臨奉澂音而增惕既有十行
之寵可無肆赦之頒云云於戲吊賀相隨哀樂互變

天地廣運雷雨之澤芴流遐邇均沾曠蕩之典普洽

大提學
金樞製

雍正登極後迎勅頒教文 景宗壬寅

鴻圖丕闡溢新化於中區鳳綉遙頒儼皇華於外服
爰遵彝典庸布嘉休顧茲左海之偏陬久荷先皇之
洪造視均遐邇懷柔數千里生靈恩及始終沐浴六
十年惠澤微忱恒切於祝聖遺詔遠傳於陟方惟幸
燕翼之貽謨獲覩龍飛之御極曆數早歸於丕子仁
聲已彰徵祥終驗於橫庚天命攸屬而溲渥普沾於
寰宇故德音遙降於弊邦一札敷心忻擊封泥之詰

雙星動色遠涉折木之津斯誠古今之盛儀宜與民

庶而同慶云云於戲泰運方啓躋壽域而皞熙陽春

載回帶恩波而浩蕩 藝文提學
李肇製

康熙紉廟後迎勅頒教文 景宗癸卯

殷禮荐成方仰聖孝之克篤溫綸誕降聿覩使華之
遙臨肆飾彝章庸申敷告言念先皇之偉烈屬有太
室之盛儀七世之廟可觀實兼祖功宗德三代之制
斯重爰倣武穆文昭情文允宜列后之登配並舉神
人俱叶丕祀之合饗肇行矧茲大行之徽稱亦見聖
朝之崇報履長樂之尊位未卒孝養之誠進寶牒之

顯名克伸追隆之節陰教懋著四海仰誕聖之功懿
誦載揚百代表尊親之典新慶纔宣於上國普澤亦
暨於偏陬兩詔兼頒為慮小邦之凋弊雙輶遠辱特
加外服之寵綏茲實古今之罕逢詎無遐邇之同慶
雷雨作解與八域而維新天地好生圉萬品而並育
云云於戲景運方啓沐洪私於垂庥德音遐宣攀睿
化而興孝 藝文提學
李肇製
康熙追上尊號後迎勅頒教文 景宗甲辰
綈儀載舉方深寰宇之普懽溫綉荐頒幸覩使星之
遠降肆揚大誦誕告多方言念先皇之聖神允邁前

代之軌轍臨御歷祚之最久在古所無創守功德之
兼隆於今始見豐報既陳於丕享殊禮合配於極尊
高明並稱至日舉南郊之薦博厚同體元正奉此時
之儀遵殷宗禮陟之文倣周壇崇祀之制茲稽祖宗
之盛典用推遐邇之浚恩勞四牡之皇華一視內服
侈百朋之珍錫無間外藩念小邦受賜最深在今日
祝聖深切天地之化廣運品彙昭蘇雷雨之澤苟流
瓊垢滌蕩云云於戲德逾光於致孝情文備修禮莫
大於尊親神人胥悅 藝文提學
李肇製
清皇后謚誦迎勅頒教文 英宗壬子

坤化永闕方深奉諱之哀宸札遙頒聿觀上謚之慶
式遵彝典誕告大庭仰惟大朝字小之恩寔多中壺
佐治之德鴻化陰贊罔外內而歸仁駟馭上賓暨率
普而均臧茲有奉謚之盛禮特循頒慶之舊章軫省
弊於外藩仍寢使節俾比例於內服庸降恩綸斯誠
曠絕之寵私曷勝感戴之忱悃並三春而布惠詎緩
十行之宣與萬物而圖新遂推肆赦之典云云於戲
雙擎百拜况天威之不違一日四方浚宸澤之芴霈

藝文提學
宋寅明製

雍正謚號太后謚誦迎勅頒教文

英宗丙辰

仁膏久沐奉諱音而經悲顯冊偕隆舉詔旨而頒慶
彝章載舉誕告用亶永念先帝之閱休式遵仁皇之
盛業丕承丕顯存微畏於淵冰乃武乃文奠基圖於
磐泰荷歟十三載化理允矣億兆民涵濡肆當節惠
之掄揚兼舉坤慈之追述攀大行之遺烈已躋升平
想陰功之曾敷則配乾健欽崇寔由於群議典禮俱
竣於一時駿德斯彰備升字之昭揭鴻名並薦像二
儀之齊明既頒恩於中區又宣諭於外服云云於戲
綽儀甫訖仰孝思之尊親寵命遐臨瞻使華而拭目

大提學
尹淳製

文苑補遺 卷八 頌教文

雍正紉廟迎勅頒教文

英宗丁巳

聖孝道追修盛儀於清廟使華儼辱侈溫綽於陋邦
肆體恩言庸申播告永惟先皇之功德爰有太室之
紉陞累洽重熙十三年繼聖之治左昭右穆千萬世
不祧之儀既協徽稱彌顯燮巍之烈是庸孝享永綏
陟降之靈屬頌慶於中州示同休於外服重宸北望
想殷禮而馳情四牡東臨奉德音而起敬茲誠古今
之罕觀詎無遐邇之齊歡昭布彝章已均霑於帝社
導迎和氣遂徧暨於群生云云於戲表萬國於寧親
匪惟觀德宣十行於有衆庶與同仁

兵曹參議
曹命教製

清太后加上尊號皇后冊封迎勅頒教文

英宗戊午

二禮俱舉洽同慶於大邦兩詔兼宣荷一視於偏域
爰用舊例敷告多方念茲皇朝尊親之章寔遵往牒
表美之典致怡愉於長樂方仰孝思之深深極揄揚
於陰功聿覩徽稱之斯奉矧惟儂尊之盛禮允矣造
端之大倫重翟之虛蓋緣諒陰之制甫畢顯冊載進
自此齊明之義始光東朝之懿範益彰懽溢區宇中
壺之寶位克正化覃宮闈景休昂新殷禮成於次第
恩綸浚降皇華辱而儼臨承寵綏於同仁攀縟典而
共祝斯實締濶之舉詎無播告之脩云云於戲侯度

蓋虔即仰中土之有慶皇眷彌篤尤幸遐陬之與榮

弘文提學
尹惠教製

清皇后謚踰迎勅頌教文 英宗戊辰

永念坤載方深奉諱之哀遠厚星軺聿覩頌謚之典
肆循彝故庸告臣工洪惟大朝東漸之仁寔多中壺
內助之德贊鴻化之苟違恩遍邇驚駭御之上賓
悲均率普屬顯冊之昭揭復使華之光臨節二字而
揚徽爰舉綈禮垂十行而示遠特紆寵章斯誠曠絕
之私曷勝感戴之悃天札敬奉仰溫旨而翹心陰教
追思拚實牒而增憾云云於戲恭馳一介粗伸奔慰

之微誠嘉與八方咸頌齊聖之遺範

弘文提學
鄭羽良製

清太后尊踰迎勅頌教文

英宗己巳

事大禮虔譬列宿之拱北頌慶恩渥喜使星之來東
茲誥大庭載揚曠典念皇朝進踰於長樂而昨日宣
詔於弊邦蓋坤厚無疆宜享名於大德以聖孝不匱
遂加隆於徽稱矧惟外內底寧之休罔非前後垂裕
之懿眷游德而攝中壺之政惟簡慈心命大師而靖
西土之氛允徽后福禮則然矣歸盛美於所尊嘉與
同之布覃恩於一視頌陰功之默運孰不增欣聳盛
事之親逢亦與有幸爰稽應行之舊亟用播告之脩

云云於戲式是寵綏既無間於內服修其禮物庶不

替於遠誠 弘文提學 徐宗伋製

清太后加上尊號皇后冊封迎勅頌教文 英宗庚午

惇宸孝於蘭殿載闡鴻稱正壹位於椒闈誕宣鳳綉

肆庸敷告式賁寵章茲當簾帷之揚徽聿覩翟綸之

配極教育至德功丕著於啓圖溫恭令猷禮宜隆於

替化藝則克昭於尊顯盛典允叶於順承寶冊有煌

迓純禧而永享芳譽彌播儷至尊而罔愆屬中州之

慶頌亦外服之恩暨月馭北望遙隔呼嵩之班星駕

東臨曷任拱辰之悃群品咸囿流廣澤於霈雷率濱

普沾覃洪恩於潤雨云云於戲皇誥浚降祇承十行

之龍冕侯度益虔寔均萬邦之燕賀 弘文提學 元景夏製

清太后周甲上尊號迎勅頌教文 英宗壬申

誠拱北辰方切事大之忱誥頌東壤聿覩揚徽之舉

多方誕告彛章式遵仰惟長樂回甲之辰乃有中州

顯親之慶歡溢區宇揭寶牒而稱光頌騰岡陵迓純

禧而永享屬二字之闡誦復十行之宣綸坤德丕彰

益昭不匱之孝星輶遠辱咸仰無疆之休斯誠尊崇

之盛儀曷勝忭賀之微悃想縉典而拭目遙隔呼嵩

之班攀宸札而翹心祇祈齊天之壽云云於戲修其

禮物詎敢忘於帝恩式是能經庶靡替於侯度

弘文
提學

清太后加上尊號討平迎勅頒教文 英宗乙亥

捷書遙馳方仰天威之遠暢緜儀造舉仍覩星軺之
載臨茲承顯休庸申播告顧茲西陲問罪之舉寔出
大邦綏遠之謨薄海頌同軌之治既見重譯之自至
小醜稔干紀之惡詎緩九伐之用張猗歟致款塞之
功允矣邁犁庭之績王師無戰何煩拚一矢之勞遠
人輸誠豈由舞兩階之德遂推慈育之慶亟行顯隆
之章邊塵永清寶冊揭飾喜之典陰化丕闡達孝廣

錫類之恩歸盛美於所尊禮則然矣流霈澤於一視
嘉與同之纒頌詔於中區又布綍於外服云云於戲
恭執壤奠偏沐東漸之仁恪守藩封庶勉北拱之悃

弘文提學
鄭軍良製

乾隆回部討平迎勅頒教文 英宗庚辰

神旅濯征已肅暢於武烈膚使儼至復光揚於德音
祗服寵章用昭孚誦粵自回部之逆命久煩上國之
移師狼心莫馴背明恩而反噬虎穴未掃戒大眾而
往蹂方天討之奮張俄月捷之飛奏陳京邑之車甲
出塞纒四五年開荒服之山川廓地幾二萬里懸旌

流沙之外匪欲窮兵植壁園丘之中爰告成績仁聲
既溢於薄海顯庸仍布於小邦象輅遵受馘之儀凱
歌初返鳳詔頒獲醜之慶軺傳遠臨肆仰承于嘉休
庶俯循于彝典無垢不滌猶膏雨之普施有惠必推
若蒸陽之芻達云云於戲乾威西鬯攀壘書而知歡
帝澤東敷瞻輶軒而馳頌藝文提學黃景源製
清太后謚誦迎勅頌教文英宗壬午
誠拱北辰志常切於事大誥頌東土禮實備於揚徽
敷告多方爰用舊典仰惟皇朝尊親之禮寔遵往牒
表美之規享七旬於東朝德著坤極祝千秋於長樂

頌騰崗陵肆當二字之掄揚乃有十行之宣示仰慈
雲之普覆益光孝治憑星之初回獲奉明詔拚寵
綏於一視效祇祝於同歡想縟儀而翹心斯誠稀濶
之舉擎宸綸而拭目詎無播告之方臨雖滯於偏邦
恩共沾於大化云云於戲侯度益虔仰中國之有慶
皇眷罕篤感遐陬之與榮如製教李揚製
清太后八十稱慶尊誦迎勅頌教文英宗壬辰
北宸誠拱恒切事大之心東土誥頌庸備揚徽之禮
爰稽舊例誕告多方仰惟皇朝尊親之儀寔遵往牒
表美之典德著坤極東朝享八旬之齡頌溢岡陵長

樂騰千秋之祝肆當二字揄揚之日乃有十行頒示
 之規藹祥光於慈雲孝治彌著返使節於沮水明詔
 遠宣均沾一視之仁自切同歡之意擎宸綸而拭目
 斯誠無疆之休想縉儀而翹心宜有播修之舉臨雖
 滯於偏壤恩共被於大邦云云於戲侯度益虔仰中
 國之有慶皇眷深篤感遐陬之與榮知製教鄭好仁製
 清太后祔廟迎勅頒教文當守丁酉
 執壤之价方回誠拱北極祔廟之禮載舉詔頒東方
 爰稽典彝庸申播告嗚呼先后之德不忘居然太室
 之儀順成慈化踰四十年海外均受戴之願大行棄

百千國禮終切悲恫之忱况小邦偏被恩私而今日
 倍覺摧咽視同內服菲莫許陳於龍輻勅付陪臣荃
 心特軫於鯀域茲奉大邦之明誥詎緩霈澤之苟流
 云云於戲丕祀肇行沐鴻私而同慶德音遐布攀鳳
 詔而增傷藝文提學全鍾秀製

文苑補遺卷之八

文苑補遺卷之九目錄

頌教文十一 尊 號 謚 帝

太祖大王上太上王尊號頌教文

太祖大王太宗大王加上尊謚頌教文

定宗大王追上謚號頌教文

太宗大王上上王尊號頌教文

德宗大王追崇頌教文

宣祖大王上尊號頌教文

仁穆王后上尊號頌教文

恭嬪追崇頌教文

光海上尊號頌教文

元宗大王追崇頌教文

莊烈王后上尊號頌教文

莊烈王后加上尊號頌教文

孝宗大王追上尊謚頌教文

明聖王后上尊號頌教文

肅宗大王上尊號頌教文

肅宗大王追上尊號頌教文 二

仁元王后上尊號頌教文

仁元王后加上尊號頌教文 六

宣懿王后上尊號頌教文

英宗大王追上尊號頌教文

王大妃殿加上尊號頌教文 二

真宗大王追加承統世子號頌教文

真宗大王追上尊號頌教文

姜嬪復位頌教文

敬惠仁嬪上謚封園頌教文

和敬淑嬪上謚封園頌教文

靖嬪上謚封園頌教文

文苑叢書卷之九

頌教文十一

尊號謚號

太祖大王上太上王尊號頌教文

定宗庚辰

父子之親天性之至苟居繼體之位當極尊崇之禮
惟我太上王以盛德隆功承先世積累之仁肇有家
國以開萬世之基願以菲德祇服明訓續膺景命永
思持守之艱惟恐不克負荷夙夜兢惕罔知所措已
嘗與臣僚謹奉上尊號用光盛美昭示來今爰命有
司載稽典禮以表德業之盛以副天人之心於戲既
立尊榮之典宜推渙汗之恩所有便民事宜條列如

左惟爾臣僚體予至懷

太祖大王太宗大王加上尊謚頌教文

肅宗癸亥

貽孫翼子永荷裕後之圖尊祖敬宗聿舉加謚之典
纔成緜禮誕敷綸音惟我太祖太宗之聖神實有不
顯丕承之謨烈初業垂統啓萬世之鞏基繼體重光
成一代之極治既賢賢親親而不忘誠巍巍蕩蕩而
難名然念節惠之稱有異貴多之禮義莫大於尊攘
而未揭威化之駿功制當別於存亡而仍襲太上之
鴻誦以致兩朝之懿謚反違八字之通規在後人崇
報之方豈無小歎推列聖謙孝之意亦恐不安肆揚

顯冊之追隆庸補舊制之未備父作子述既開國而
承家行出名成更表功而紀德增徽章於中葉皇明
之故事可徵獻明經於二王成周之盛儀肆倣摸天
畫日詎能盡其形容疊美加尊祗自致其思慕已訖
事於兩室用播告於八方禮嚴宗祊幸情文之無缺
事光簡牒想風烈而如存斯誠希觀之鴻休可無苟
流之解澤云云於戲赦過宥衆庶幾徼福於先王推
恩廣仁俾得均歡於群品

大提學南
九萬製

定宗大王追上謚誦頌教文

肅宗辛酉

永懷前烈有百世不忘之恩追上休稱修累朝未遑

之典既順成於綵禮庸誕敷於綸音言念宗祧之儀
必以誦謚為重鋪張遺美蓋臣子之至誠膺受尊名
亦帝王之盛節恭惟恭靖大王躬曾閔之行體舜禹
之明嗣服數年神功已洽於民物脫屣萬乘至仁永
賴於家邦當禪繼而孝友丕彰處危難而基圖益固
是宜備享於崇報無或為循於謙光緣廷議之差謬
於一時致徽章之虧缺於七廟求諸神道豈無異同
之嫌察乎人情難禁抑鬱之歎肆補舊制之廢闕肇
舉顯冊之掄揚晝日摹天詎能形於聖德儼明配體
仍並隆於坤元大誦以貞想英猷之如昨遺文克備

陳禮容而猶初纔已消吉而告成且願滌垢而覃慶
云云於戲事若有待感天運之回環恩出非常施解
澤之溥博冀徽福於上下庶均歡於臣民

大提學李敏叙製

太宗大王上上王尊誦頌教文

世宗戊戌

予以眇躬荷祖宗積累之德太祖創垂之業祇奉父
王之休命續承丕緒夙夜祇懼竊以為治之道莫先
於報本已嘗躬服袞冕親裸太室于斯之時宜降德
音第念數宥有妨治道未即施行洪惟我父王殿下
以神聖之資仁厚之德克光前烈式底昇平蓋二十
年于茲矣隆功盛德卓冠千古在人耳目而尊誦未

立良用歎然於戲尊崇徽號既盡禮於君親誕布寬
條用施仁於臣庶咨爾中外臣僚體予至懷

大提學 卞季良

德宗大王追崇頒教文 成宗辛卯

孝莫先於尊親禮莫大於追王子以眇末續承丕緒
雖正統之為重豈私恩之敢忘追惟懿敬大王以賢
以長主鬯承祧而奄爾賓天可勝痛哉尚追踊之未
正諒抱恨之愈切茲舉曠典式率彝章謹上尊踊屬
舉殷禮盡行寬條云云於戲聿稱徽號既綍儀之告
成用推洪恩宜解澤之斯霈

宣祖大王上尊踊頒教文 宣祖甲辰

天垂眷而申命何德能堪民有罪其在予推恩宜急
伊外廷之稱慶第中情之增慚痛狂賊恣衆而來逞
凶謀假道為說受之則免拒之則敗其勢甚明生亦
所欲死亦所安惟義是取寧被蛇豕之毒赴愬父母
之邦仗一怒之餘威却八年之勁敵若以為守君臣
大節則固非誣矣倘或曰立宗社奇功則安敢當之
皇靈遠屆若斯人力豈至於此今茲上踊莫遂終辭
顧何心哉誠不得已頃為諸臣行賞猶慮一夫失勞
肆滌既往之瑕用霈無前之澤云云於戲小人雖謂

之幸必將自新大德不過曰生庶幾更始

大提學 柳根製

仁穆王后上尊號頌教文

光海庚戌

立愛惟親既備成於緝禮教民以孝宜申告於多方
茲推恩於百僚示同慶於一國恭惟仁符乾造靜體
坤元協內治於七年早著雖肅之美贊末命於半夜
寔隆擁佑之恩逮予嗣服之初益見母儀之至喬山
霜露曷堪攀慕之無從長樂晨昏自幸溫清之有所
肆赴五月之後亟上二字之稱顯揚當先只領澳號
之告儀物始具蓋待升祔之期惟肆循乎舊章詎鋪
張其盛德大需未久雖數赦之難輕洪慶無前願再

諭之可已云云於戲事孰為大克遂尊養之誠惠不

可專用廣敷錫之福咨爾有衆諒予至懷

大提學李 廷龜製

恭嬪追崇頌教文

光海壬子

禮莫大於尊親既舉崇奉之典孝不匱於錫類宜
推曠蕩之恩曩章肇修悲慶曷勝予惟聖人制禮
之意必貴於因情王者達權之宜咸重乎報本故
觀歷代之盛莫不追尊所生肆通規之已行蓋至
情之難抑永懷聖母之毓德粵自名門之累仁輔
佐寧王久著箴規之益誕育眇質實基啓佑之休
云何棄世之如遺屬予免懷之未幾逮今嗣服之

日罕微孺慕之天不忍御楛捲愴餘澤之尚在無
心彼衮冕享至尊而何安肆展欲報之忱庶追不
逮之養黃流玉璣精靈悅見乎羹牆寶牒金泥盛
德昭揭於日月在古人亦皆然矣於予心獨無校
乎肆覃恩於百僚欲並生於一國不避數赦之戒
以示同慶之懷云云於戲追遠慎終既見民德之
歸厚赦過宥罪庶願仁聲之入人

大提學李廷龜製

光海上尊踰頌教文

蒼黃越在草莽責重軍國監撫寧辭征繕勤勞身
任廟社安危敢憚艱難險阻職但效於幹蠱念馬
及於圖存匹馬東南親莅虎穴之戎陣專征湖嶺
手拓鯨城之山河皆承皇上獎飭之餘波實遵寧
王付托之成筮雖不失其舊物詎將多乎前功茲
乃祖宗神人不釋之故亦惟忠臣義士盡瘁而然
若謂撥亂持危亦或宜矣其曰體天興運安敢當
之聽鐘鼓而思勳再整雲臺之舊畫臨寶宸而撫
迹深慚玉牒之新銘蓋有待而然予不得已也茲
當綽禮之舉誕敷浚汗之音云云於戲民無得而

蘭

稱予實慚德於聖哲國可幾而理庶見匹休於隆

熙大提學李廷龜製

元宗大王追崇頌教文 仁祖壬申

禮非從天而生本緣情而品節孝以尊親為大盡歸
美而揄揚式舉緝儀仍敷霈澤恭惟皇考夙挺聖姿
大德在身未享壽祿之報至仁垂後克篤積累之基
啓佑眇躬光紹寶命念昊天之恩極靡夙夜之或忘
况予祖統是承元非人後之此既正名於父子倫序
以明復加號於寢園等威自別獨於尊崇之典未極
微顯之稱至願莫伸詎暫安於南面隆恩難報恒自

歎於中情聿至十年蓋待今日參前代之舊例率本
朝之藝章顯揚之誠允協於名實仁孝之道益彰於
家邦爰告多方用示同慶云云於戲誰無父母尚感
惻怛之深衷思與臣民共保休嘉之至治 大提學張維製

莊烈王后上尊號頌教文 顯宗辛丑

展愛慈闈式懋錫類之道揚休寶冊聿殫歸美之誠
縉儀已成溲踰寧闕恭惟聖母夙播徽音贊一紀之
內治克勤克儉致三年之哀毀盡制盡倫念予宅恤
於亮陰惟幸承顏於長樂日月云邁彌增霜露之懷
溫清以時少慰羹牆之慕熙事既訖於禫紉盛禮敢

欽定補遺 頌教文

緩於尊崇罔極鴻恩尚歎一國之養無前懿烈宜彰
二字之稱茲循舊章用伸微悃泥金檢玉永垂百世
之光含飴美孫佇享萬年之壽朝野實同此大慶沛
宥盡推於多方云云於戲咨爾凡民誰無父母在上
諒予今日不任悲喜由中各自盡於秉彝庶無負於

興孝

大提學趙錫胤製

莊烈王后加上尊號頒教文

肅宗丙寅

一國咸囿於慈化適經周甲之期二字兼稱於至仁
式舉希世之典茲當八方之聳聽詎無十行之敷音
惟我聖母之思齊實贊烈祖之致理居體正位類任

如之嗣徽含飴美孫陋馬鄧之闡政陰功効達於內
外壽筮迺出於後前歷四紀之悲歡神明共護享三
朝之奉養福祉猶隆屬寡躬之繼序多艱而上天之
降割荐酷豐呈小節亦且屢歲乃成喜懼微誠豈能
一日或怠如欲自盡於大孝合應加上於尊名申命
禮官稽祖宗已行之典率循公議得古今至美之稱
展采而備情文消吉而進踴蹕寧摹配天之盛德唯
申愛日之才心既畢修於緝儀庸誕告於匝域云云
於戲亨嘉之會感應不差以御家邦宜推錫類之教
誰無父母尚懷同慶之休

大提學李敏叙製

孝宗大王追上尊謚頌教文 英宗庚申

曾孫篤駿惠式仰對天之宏休萬古垂鴻名聿加繪
 日之顯冊綉禮既將於備物綸音誕宣於多方恭惟
 孝宗大王睿智出天孝悌盡道克君克長季歷嗣太
 王之基惟一惟精大禹受重華之訓聿追皇考之遺
 志思濟時運之孔艱揚武烈而覲文光自任丕責遵
 王道而黜伯術克恢弘規堯聖望之未迺奈昊天
 不弔尚賴風聲之永樹幸茲藝章之靡隳箕城之禮
 義彌彰斯啓佑之罔缺殷宗之禋祀孔秩蓋崇報之
 既隆然念數字之尊名未闡一治之丕績惟盛德至

民

善靡不極於揄揚而赫業英猷尚有待於表揭猗歟
 無競之烈展也沒世不忘肆循輿情追隆顯跡正人
 心於既墜德表萬邦明天理於將涇義炳窮宙彰微
 贊美曷能盡其形容致崇加尊祇自伸其忱悃寧考
 之至願始遂情文罔愆太室之舊章斯徵物采載燮
 庶幾俟後聖而不惑敢曰彰先烈而彌光纔訖闕宮
 之盛儀庸播大庭之溲跡聲名洋溢聲四方之觀聽
 渥惠滂沱答群心之欣忭云云於戲直之教未遠
 涵照之澤無垠祇承丕謨敢弛兢慎之念咸囿遺化
 庶臻昭明之休

大提學
吳瑗製

明聖王后上尊誦頌教文

肅宗丙辰

奉三聖而升享尚切餘哀進二字而致隆式遵舊典
宣綸綍於匝域祝岡陵于慈天洪惟太母之溫仁配
我先王于宸極德修二后頌國風而齊休恩逮六宮
秉家道而允正升稔贊化陰教闡于寰區三載居憂
至行著于閨闈中月之制甫畢東朝之禮寔遵玉簡
金章曷能解撰其萬一青史彤管永佇浚揚於百千
茲用敷告四方嘉與同慶一國兆庶載忭仰慈雲而
均歡肆赦用頌表予誠而志喜云云於戲繇近被遠
布深仁於好生推孝移忠體至意於錫類

大提學
閔熙製

肅宗大王上尊誦頌教文

肅宗癸巳

率舊典而循群情勉膺徽號浚新恩而行肆赦式推
洪休布茲絲綸諭予心腹言念眇末叨承聖神揭大
義於春秋敢曰先志是繼修曠典於宗祏寔由天道
必伸至若內儀之重光只率前過之追補而忝位迨
四十載願疵政難一二言王公有孤寡之稱所貴抑
損臣民切愛戴之願猶欲尊崇慨予衷之未孚引故
事而申籲惟先王道尊德盛允宜鋪張想中興治定
功成尤叶揭厲予何人也自視歆然丕顯丕承惟不
克負荷是懼大經大法亦何嘗昭闡無遺謙挹之旨

累宣匪出虛倣懇迫之誠愈至莫遂終辭既茂事業
之可觀深恐名實之未副雖存心於風化蓋無乏云
若匹休於祖宗安敢當此聖猶不居於夫子烈乃無
競於武王此而猥加重予不德彝章載煇受顯冊而
靡榮緝禮親臨顧初心而多慙然當歸美之盛舉詎
闕同慶之常規茲推一視之仁用霈旁流之澤云云
於戲君子所其無逸邦命庶幾維新建極出治期庶
政之益懋滌瑕蕩垢罔群品而並生大提學宋相琦製
肅宗大王追上尊號頌教文英宗癸酉○同時上仁
敬王后仁顯王后仁元

王后
尊號

宏謨祇承於翼子戒懼恒深丕號並隆於顯親愴幸
交切茲率舊典誕告多方恭惟我聖考四紀洪圖實
啓吾東方萬世熙運至德要道蓋本乎明理正義之
工弘規遠猷一出於敬天勤民之念皇王之典章畢
舉貽後昆而永垂聖神之功化彌彰迄遺黎而追誦
雖其基命於宥密抑亦協治於修齊猗歟三殿儼乾
之休展也一德履坤之正徽音繼闡幾仰陰教之贊
宣寶筮方隆幸依慈化之垂庇惟勤歲五享之禮愴
著存之不忘雖奉日三朝之歡愧志物之猶歎屬茲
六十興感之日益切萬一追報之心蒼梧之雲眇綿

文苑補遺 頌教文

攀慕何及寶婺之輝晚晚喜懼深太室之顯冊揚
徽少伸終天之痛慈極之崇踰揭美粗表愛日之忱
非敢謂數字有先竊庶幸寸心無憾天時偶符於癸
歲撫瑤牒而增傷邦慶恰同於申年奉寶籙而興忤
物采載燬情文罔愆纒清廟之薦經又大庭之布綉
儼然如在縱慰見堯牆之思於乎莫追敢忘續禹服
之烈洪休載迓於宗社天日增輝浚踰肆揚於寰區
雷雨均霑云云於戲常體若已恫之意詎忽民憂爰
推錫爾類之恩庶同衆樂

藝文提學
尚星製

英宗丙申○同時上仁
敬王后仁顯王后仁元

王后英宗大士貞聖王
后儲慶宮毓祥宮尊號

洪休累洽永荷裕後之謨顯踰荐加式修追先之禮
緝儀斯舉綸音先敷惟我寧考之盛德至仁實續列
聖之宏基洪業周文壽考斐然柝械之治唐堯欽明
丕我茅茨之化太室附莊陵之位誕扶天地之常禁
苑設皇壇之祀爰揭春秋之義尊儒崇道亟回三代
之風褒節旌忠俾樹萬世之法既賢賢親親而不忘
歷年斯長誠巍巍蕩蕩而難名惟天則大居然龍馭
之已遠猗歟鴻烈之永垂遺民抱弓劍之悲餘惠未
沫小子寓羹牆之慕前休宜揚思皇元母之徽音亦

暨祥宮之懿範均贊王化維吉黃裳恭持禮防文輝
彤管仰乾坤之資育豈或百世之可忘惟日月之摸
圖恐此數字之難狀紀功表德縱進昔年之加尊疊
美闡光要盡今日之致敬追前烈而增踴寔由揄揚
之誠回初心而並徽亦多愴感之志云云於戲昕庭
修賀不踰日而飾歡清廟備儀將消吉而進冊大提學李

仁元王后上尊踴頌教文 英宗丙午

百行皆本於孝思盡徽誠大德必得其名光薦寶冊
慶禮寔重敷告寧稽恭惟惠順慈敬大王大妃殿下

秉心塞淵飭躬莊正配寧考二十載陰教丕彰涵壽
域億萬生慈恩普洽擁佑嗣聖若生子之在初憂念
宗祊軫固本之有道逮小子荐罹于禍衅賴東朝彌
勤于保綏晨夕奉歡至情少慰於榮疚春暉欲報一
念惟切於顯揚綉儀纒訖於躋升嘉典詎緩於崇貴
泥金檢玉永表揭於後前畫日摹天豈形容其萬一
惟自伸其愛敬庶克備乎情文夫既象德而闡休可
無滌垢而布惠云云於戲誰無父母宜推錫類之仁
凡在邇遐咸戴資生之化 大提學李宜顯製
仁元王后加上尊踴頌教文 英宗庚申

孝莫大於尊顯徽稱載揚禮極備於情文綽儀斯舉
亨嘉之會播告用脩恭惟文母聖賢之資允叶坤道
直方而大配先后專治於內夙夜無違保小子式至
于今宗社攸賴服大練而昭儉德仁恩覃億兆民由
中壺而踐長秋前後垂四十載基命而牛羊用鞏刑
家而燕翼貽謨世稱海外塗莘人頌女中堯舜寶筮
浸暮恒切喜懼之誠玉度肅昭思殫崇奉之道持蠶
抱管雖未足以形容檢玉泥金庶少伸於愛敬既衆
情之難遏矧舊章之可徵盛典克修茂祉旋集爰敷
心腹之誥特霑澳汗之音推夏禹冕服之仁大災肆

宥法殷湯解網之祝小肯奚論云云於戲慶雖在於

一人化乃行於八域享號四達揭丕式而範民顯瞻

一新疾順風之偃草

大提學李德壽製

仁元王后加上尊號頌教文

英宗庚申○同時上英宗大王貞聖王后尊號

屈初志而循廷顛顯彌是膺稽古典而崇母儀綽禮
斯備爰推解澤庸播澳綸言念眇末之資嗣守熙洽
之業奉結訓於寧考焉有善繼之休承丕托於皇兄
實之重光之美惟嫫疾之至痛終身不忘謂孝友之
可稱於心增憾若夫亂逆之底定豈曰廓平之有功
祖宗德澤之厯深士民協志天地神祇之昭赫妖孽

就職蓋已臨御之多年常愧治化之未究顧以群下
愛戴之悃欲遵列朝隆賁之儀念時世之艱屯固不
知南面之樂仰功德之巍蕩况敢望前武之繩盈庭
力爭雖諒其苦懇數腹多誥非出於過謙祗緣慈教
之特勤未克素心之終守自顧菲薄冒膺鋪揚苟非
聖人孰能盡倫盡性夫惟哲后斯謂之德之純既無
事業之可觀又何謨烈之之道崇飾休典曷副歸美
之情推闡慈功彌切致隆之願尊親莫大奉顯冊而
罄懽忝先是憂撫彝章而興惕縱慚徽名之不稱只
幸微誠之自伸循同慶之常規禮有所重布多方之

大踰思與維新肆當飾喜之辰特施蕩垢之渥云云
於戲人心之祈嚮方切予懷之兢懼彌深惟時惟幾

戒一念之或懈胥訓胥保期庶績之咸熙

大提學
吳瑗製

仁元王后加上尊踰頌教文

英宗丁卯○仁
元王后寶甲

寶甲載周仰純禧之聿迓璫牒誕受幸慈聽之亟回
彝典式遵輿情共忭恭惟大王大妃殿下珩璫至德
詩禮懿規珥珥周闡贊洪烈於寧考服練漢殿貽嘉
訓於寡躬長樂隆怡愉之歡天保騰岡陵之頌惟聖
筮七臺之始即我朝拜有之休追想庚年冲挹雖固
於愴昔允符丙歲忱惟彌切於紹先臨殿敷心曷任

小子之懇迫顙庭披膈可見群工之願望何幸謙衷
之勉循肆致浚誦之丕闡攀玉檢而祇進縣寶錄而
茂膺演一六而值永命之辰長奉深宮之堯舜會三
九而衍後天之笙仰祈冥靈之春秋盛儀有煌於翟
綸既舉率舊之典徽範孔彰於琬琰庶輝顯親之誠
茲推慈極之深仁用霽寰宇之厚澤云云於戲介景
福於一曰實叶箕聖之疇被柔化於八方咸囿文母
之教藝文提學
元景夏製
仁元王后加上尊號頌教文英宗辛未○仁元
王后母臨五十年
璇闈凝瑞方切祝釐之誠瑤冊揚徽聿舉顯親之禮

蓋先舊典咸告多方粵自寡躬之冲齡獲事文母之
懿範德配寧考柔化夙著於塞淵位尊長秋至恩最
荷於庇保建策危疑之際繼統緒於三宗奉訓艱難
之時存國勢於一髮恒祈晚祉之愈享果膺景貺之
潛臻壽耀增輝喜五度之康泰慈天徧覆幸靈籙之
繇延六旬承視膳之歡殷予鬢鬢兩世供含飴之樂
撫爾孫曾迨聖筮届近七之期而母儀荏半百之數
萱芽新茁春暉政屬於三陽翟綸光臨天星載回於
五紀願彝章有稽於故事而崇奉詎緩於茲辰謙挹
之哀難回非昧養志之義貴尊之願甚懇勉循報德

之忱花甲鴻名猶未盡於昭揭寶鼎煒烈庶少效於
鋪張追慕終天每抱見牆之痛致隆有地獲伸愛日
之心縉儀克修豈一人之獨喜積慶斯集與萬姓而
同休推夏禹冢服之仁大災斯宥法殷湯解網之祝
小肯竇論於戲運方啓於泰亨物各囿於生遂三殿
之和氣洩洩導迎純禧八域之庶品熙熙芴流霈澤

藝文提學
李天輔製

仁元王后加上尊號頌教文

英宗壬申○同時上英
宗大王真聖王后尊號

屈意承慈聖之旨愧膺微稱顯親增寶冊之儀幸舉
盛典斯揚洩彌誕告多方眇予寡躬叨承丕緒神京

舉目慕仁廟遙拜之忱暮途傷心仰寧陵至痛之教
念茲兩皇追享之舉寔遵聖考大報之誠太祖之恩
覆偏邦肇封錫號毅宗之視均內服臨危詔師七廟
已墟忍忘罔極之至德三壇並祀粗修未遑之彝章
顧以群下表闡之情欲追列祖崇賁之節麟經遺義
詎自擬尊攘之功燕翼宏謨恐未盡繼述之責嘗奉
訓於忠孝不過職分之當然若匹休於祖宗其奈事
業之未著百僚之踴躍雖懇一心之搗搥難回仁非
聖人不居深予惡福乃上帝攸既敢為己私迨文
母特降綸音而小子勉改素操執謙匪出於過讓可

質神明事親莫大於無違遂體至意緬想先烈豈勝
怵惕之懷隆奉母儀祇伸顯揚之願矧今百年之天
運否極政急列聖之心法益明皇統淪亡萬折空流
於清漢人心激感一陽紆回於錮陰撫菲躬而縱有
汗顏溯風聲而孰不聳聽情文始備既虔告於闕宮
中外胥歡仍大諭於率土爰推仁於一視用霈澤於
旁流云云於戲洪業正屬於盈成詎弛無逸之戒群
情彌切於祈嚮庶懋維新之治

藝文提學
李天輔製

英宗丙子○同時上英
宗大王貞聖王后尊號

毓祥宮
謚號

盛典荐行於元日惟休無疆餘慶亦逮於寡躬欲辭
不得欣忭交臆諭告敷心洪惟太母之至德隆功允
邁前代之哲妃聖后贊玄化於寧考在宥之世暨我
皇兄定大策於辛丑艱危之辰以予小子舍飴晚景
咸頌九五之康寧膺冊頻年益著前後之徽美肆皇
天降之百福而寶筮屆于七旬有大德必得其壽必
得其名信此理之不惑為人子一則以喜一則以懼
於予心焉如何休慶實曠於國朝詎緩飾喜之道事
體較重於甲歲斯亟致隆之儀顧微忱縱附於尊揚
豈盛美能形其彷彿重念毓祥宮加進之懿亦惟我

文苑補遺 卷九 頌教文

廿八

慈殿指教之仁以謙慎澍哲之姿誠意獨摯於昔日
賴勛勞顧復之德邦命克至于今休流涕讀豢莪之
篇欲報何極薦謚崇宮園之制式禮庶幾雖幸允愜
於情文曷若更責於典冊芳猷采彰於二字撫往事
而興悲顯稱昭垂於千秋在至悃而無憾綉典舉以
次第輿情為之聳欣若予之勉受尊名如是者實非
始料臨民之踰卅載焉有惠澤之普施播頌之至再
巡但覺愧懼之恒切第茲建日處分實是大義關頭
兇徒敢為詬天究其根而鋤治畧盡黨論終必禍國
躡其惑而打破靡餘然後建儲代理之光明益如懸

日從前匪非相助之習熟豁若披雲是誠不期然而
自然敢謂會其極而歸極實啓顯誦懇不輟於連宵
慈教至勤志莫遂於立雪當其踴惕若而增礪顧其
義瞿然而懷慚予非樂為蓋闡義明理之在是夫豈
少補亦同寅協恭之自茲斯為上下交勉之大機矧
當古今罕有之盛事長樂之慶禮纔罷祇廟宮而瀟
將聖祖之殿基更臨仰謨烈而俯忤兢兢測冰之若
涉煌煌冊寶之何安省約一遵於徽音薰體夙志明
威畧備於昭鑑永詔後人於太室既告厥由為群黎
庶徧爾德循舊章而赦過宥罪沛新令而推惠加恩

云云於戲一念不弛於衰年豈以邦休而自暇八路
適際於荒歲更須民事之益勤

藝文提學
徐宗伋製

宣懿王后上尊誦頌教文

英宗丙午

載脩明裡祔禮克舉祇慶顯冊綉儀斯陳式遵歷代
之遺章嘉與四方而同慶恭惟王大妃殿下牙城毓
祉沙麓著祥德配乾元令聞彰於一國道合坤則陰
化基於二南方興繁祉之謠遽愴梧野之狩祥禪奄
畢曷任哀慕之懷懿烈彌光宜揭崇美之誦爰備物
采粗表悃誠玉篆金符垂遐錄而齊久青社彤管儻
前休而增輝既隆賁之寔申又誕告之用宜仍推曠

蕩之澤亟施霈宥之仁云云於戲叅萬歲而一成情
文允叶撫舊事而追感悲喜惟均嗟爾群工諒予至

意 大提學李
宜顯製

英宗大王追上尊誦頌教文

當守甲辰○同時上貞
聖王后王大妃殿莊獻

世子惠慶
官尊誦

景運重屆永荷錫羨之休顯冊荐揚聿修隆報之典
綉儀誕舉於五慶澳誥庸宣於八方洪惟先大王五
十載治謨實啓我東方億萬世邦籙始以禹勤湯敬
聖學緝熙躋于堯文舜華至治洋溢麟經揭義繼先
志而享三壇龜疇建中履皇極而敷五福史難勝述

文苑叢書 卷九
豐功峻德之永垂民不能忘窮山薄海之追頌竊念
聖母壺範式嗣太妣徽音位尊黃裳配乾元而贊業
德著彤管象坤厚而垂休思齊太妃丕闡陰化恩侔
天地長樂荷保佑之慈功邁宣仁宗國奠鞏固之勢
猗歟景慕宮懿烈夙為億兆民係心膺謳歌於夏儲
允副近頤之望攝機務於堯倦咸仰拭目之治至痛
無窮千乘之奉養靡逮景祿有自百世之蕃昌已占
亦粵慈宮克著懿德劬勞之至恩莫報寸心徒切於
三朝柔嘉之微則允彰洪休誕膺於百福惟功德並
宜於表揭伊典章詎稽於加隆茲回聖祖臨御之年

又值我朝昭明之會休祥第祿之滋至昉蠻貊曰自
天而申之卿士庶民之咨嗟詠嘆可見入人者深矣
矧儲嗣之肇建邦家之寶曆無疆仰啓佑之孔昭予
心之愴喜交集詢庭議而講配天之舉考禮經而思
報本之圖摸烈紀功尚恨形容之未盡獻冊進寶庶
幾忱悃之少伸儀文罔愆物彩增煖云云追上英宗
大王尊號曰配命垂統景曆洪休貞聖王后尊號曰
昭獻加上王大妃尊號曰翼烈追上莊獻世子尊號
曰弘仁景社加上惠嬪尊號曰貞宣既受百僚之賀
誕敷十行之綸玉琢金鐫敢曰休烈之丕闡手舞足

臨行着黎庶之均歡乃於同慶之辰特施肆赦之典
於戲和氣旁達與品物而同亨吉慶連縣垂來後而
無極

大提學吳
載純製

王大妃殿加上尊號頌教文

當宁戊戌○同時
上惠慶宮尊號

明王慎制禮本緣情而生聖人盡倫孝以尊親為大
肆飾兩慶庸責一初念予孤露以來竊幸恬依有所
歡承長樂保佑之功化如天恩重慈宮劬勞之酬報
無地伊邦家繼體之義固所當先然君子立愛之方
亦豈或後茲因椒壁加隆之典兼舉萱闈揚徽之謨
思齊之盛德鋪張稽儀則而溯上柔嘉之潛光摸畫

采名實而得中越石播金佐以宮商之品節琢玉鑄
竹儼然秩文之等差寅薦纒訖於內庭子道少伸於
南而東朝親筐篚之奉世世識教化之源北堂耀冊
寶之陳民皆知顯揚之道由來天理之極致不外人
事之當然遂推與孝之仁旁及宥罪之惠霈澤荐下
縱云雷雨之滿盈景貺無前何惜陽和之溥洽云云
於戲邦之大夫庶士須贊錫類洪休嘉與百姓群黎
咸歸欽福至化

大提學徐
命膺製

王大妃殿加上尊號頌教文

當宁丁未

奉慈旨而討亂逆邦慶無前定尊名而揚德徽冊寶

文苑補教

卷九 頌教文

二十一

五經補註 卷九
二十一
加上儀章既備播告用脩洪惟太母扶宗國之功粵
自寡躬在儲貳之日折奸萌於宮省克嗣仁元后徽
規運神籌於閨闈遂贊先大王丕策嗟今日逆變之
罔極而半夜慈教之誕宣夏秋之喪禍驚心誰測表
裏之糾結將相之凶謀連肚繫令中外而聞知君臣
之義將亡慈扎夫豈得已王室之親近出予心有不
忍言惟是為國家遠慮深憂留聖心於逆順之辨所
以下賓廳十行細字照賊膽於幾微之先逮天討之
畧行仰慈功之愈卓魑魅之形莫遁諍教若合節符
鯨鯢之誅造加邦基自底磐泰斯切群情之頌忭冀

効聖德之揄揚至誠如神孰不仰運天地之化顯踊
累上猶未盡摹日月之光雖然執謙之慈衷諭以事
有未了奈此歸功之輿論僉曰德必得名肆二字加
進徽稱俾萬世咸知盛績遠取諸漢近取諸宋丕彌
匹美于前鏤之以玉範之以金偉烈垂耀於後始薦
帷之宣扎民無能名焉今寶牒之彰徽史不勝書也
乃於本年正月初八日加上睿順聖哲莊僖惠徽翼
烈王大妃尊號曰明宣綽禮載舉於吉日明誥仍頒
於多方奚但闡翊社之功永詒來世之懿範竊自附
尊親之義粗伸小子之微誠既神人之胥歡宜上下

之同樂飾慶志喜合施曠蕩之恩洗垢滌瑕盡歸慈
覆之德云云於戲時值三陽之會協氣同流政屬一
新之機群生咸育

大提學金 鍾秀製

真宗大王追加承統世子誦頌教文

英宗丙申○同時追加孝純王

后

懿躋特加昭揭二字綉禮爰舉誕告多方彛章式遵
儀文肇備瞻言孝章之廟每懷溫文之姿令譽日彰
早膺主鬯之重德性天啓庶驗壓紐之祥嗟乎光輪
之遽淪久矣星霜之屢換幸賴祚胤之庸錫喜見文
孫之丕承付托得賢紹宏基於列祖宗祧正位擔丕

責於儲宮真鑿泰於萬年貽謀以翼綿本支於百世
繼序不忘蓋體冢嗣之孝思庸賁宗子之休跽斟酌
藝典既物采之誕增揄揚徽稱表統緒之克紹清廟
之晉冊纒訖邦慶滋昌大庭之浚音載宣盛儀迺舉
庶乎基業之永固所以卿士之協從中外忭歡期鴻
圖之申闡上下告布示燕謨之寅承云云於戲周命
載新禹服丕續情文乃協慰兆民延頸之誠典禮克
循為萬代固本之計

大提學李徽之製

真宗大王追上謚誦頌教文

當丙申○同時上景慕宮謚誦封園

禮莫重於繼續稽周廟序昭穆之文情自盡於所生

文苑叢書卷九
三十一
做濮陽尊皇伯之議載舉彝典用彰顯休恭惟皇考
真宗大王溫厚聰明慈良純粹彌月徵夢果然天挺
英姿方春放生藹乎仁及微物婉愉順親之行粵自
二三歲已然周旋中禮之容克致億兆民皆仰睿德
方毓於胄肆真遊遠任於冲齡三宗之大統是承有
明命在二字之徽踰特賜為永世圖猗歟哲妃之思
齊允矣懿範之夙著正貳壺之位克嗣徽音儼重輪
之光聿播令譽願今日嗣服惟恤而小子繼序不忘
論王家繼體之大經非無漢宣故事願先朝重統之
遺命式遵元廟舊儀追王之禮斯行進以千乘之踰

崇報之典無憾饗之五廟之尊咸備儀文敬薦牲醴
彼之顯冊之上傳萬世而揄揚奉于別殿之中俟三
年而躋紉奚但顯親之孝是乃率祖而行粵若皇叔
父思悼莊獻世子德器淵弘儀度凝重高明普照早
有譽於啓賢震道方亨遂代攝於堯倦政祝無疆之
祿那知不吊于天慨乎音容莫攀曷報生我之德逮
予位宁新踐益切鮮民之悲嘻彼凶章是豈但誣及
聖祖赫斯嚴討盖不忍憾于先親既盛典克盡於重
宗伊私恩詎忽於報本園踰特建視陵寢寔存等威
廟貌加隆用雅樂以備禋薦謹上冊印躬陳豆遵哀

慕窮天嗟莫追乎定省崇奉以禮庶少答於劬勞兩日之賁儀既成十行之謨誣敷於戲孝固無間殿宮均慕牆之誠禮各有宜竹玉殊鐫冊之典

藝文提學鄭履

製

姜嬪復位頌教文

肅宗戊戌

愍幽寃而伸枉獄既循舉國之群情復舊彌而備綈儀聿修曠世之盛典颺茲明命諭予深哀言念乙丙年間正值百六邦運元良喪逝凜乎國勢之多虞巨猾恣睢信然禍心之潛蓄讒言交煽於內外釁孽遂起於宮庭獄情掩幽盟坎之計何異天威嚴重覆盆

之寃難明逮有辛生之搆誣蓋肆壬人之鍛鍊闔門違禍之慘舉世同悲聖祖恤孤之恩微意可見二三臣進言雖切七十載飲恨無窮人心久鬱則必通事若有待天道無往而不復理亦可徵肆庸集議於群工遂定追復於貳壺滌丹書之舊案爰及父母兄弟配青宮之遺祠仍共享祀芬苒尊名寔表於行跡象設更聯於寢園禮數咸登奚但邦典之無缺泉滄改照抑亦神理之獲安茲為稀濶之令章豈非吉祥之善事云云於戲施仁布澤既無間於存亡蕩垢滌瑕庶可推於遐邇

大提學宋相琦製

文苑叢書

卷九頌教文

二十一

敬惠仁嬪上謚封園頌教文

英宗乙亥

宮園之制既定工役垂完冊印之禮先行情文允愜
是謂報本今乃伸誠惟我敬惠仁嬪夙彰柔懿範
彤管自飭藹六宮之令譽青規密陪贊二南之洪化
謹約之度徹于始終謙順之心孚于上下篤純誠於
侍藥在壺殿違豫之辰迓休命於錫禧叶泰陵非常
之夢蓋深仁厚德之積累皇天昭監肆聖子神孫之
誕生熙運光啓歷列朝以至今日寔餘慶丕裕後昆
萬世之洪業永安罔非眷佑之德百年之徽躋漸闕
恒切闡揚之忱至情已伸於報暉克備其禮美典思

舉於追遠久有此心宮苑望祠遇陽月而多感輦路
展墓履春露而興懷爰引崇奉之章庸伸永慕之悃
安靈有所瞻舊宮之猶存蕙經備儀宜新廟之祇享
美謚敬進煌煌乎銀章竹冊之文豐罔謹修屹屹然
薦閣石獸之制春官掌禮地官董飭經之營之宮號
儲慶園踰順康至矣盡矣茲當稱慶之日詎無播告
之音清廟薦香既行有事之告法殿受賀倍切感舊
之懷詢謀僉同可知輿情之均喜雷雨浹解寧新惠
澤之普施云云於戲邦禮無愆已盡揚徽之道群聽
咸聳佇見歸厚之風

藝文提學
趙明履製

和敬淑嬪上謚封園頌教文

英宗 癸酉

進冊之儀纔舉克叶情文封園之禮已成載宣綸綍
 崇報既至微誠少伸惟我和敬淑嬪允著柔嘉令德
 休戚與共於已茂誠孚壺闈傲戒不弛於夙宵化贊
 宸極餘慕尚儉於稔園至痛長結於舊奩願茲眇眇
 之承基亦藉緜綿之餘慶洪業永鞏於萬世敢忘啓
 佑之恩緜典尚稽於卅年益體謙挹之志前年進廟
 墓之踰終有歎於顯揚暮境誦蓼莪之篇嗟莫報於
 顧復肆舉崇奉之典粗殫追慕之誠竹冊銀章既薦
 二字之美謚丁園儀石庸修萬歲之吉岡我享我將

命太常而庇具載經載始飭群工而底成實荷篤慶
 而錫禧今幸考德而報本若漢唐宋明之故事予不
 欲行迨卿士大夫之俯詢僉曰允叶揚徽之盛典克
 備那堪追遠之情受誥之舊甲適回益切感昔之悃
 茲當禮告成之日詎無播用脩之音闕宮告由幸儀
 文之罔缺法殿受賀覺愴喜之交深飾喜同休宜施
 曠蕩之典滌瑕洗垢咸被生成之恩云云於戲念皇
 天祖宗之休庥敢弛兢惕之志願多方臣民之聳聽
 庶見孝弟之興

大提學 鄭宗製

靖嬪上謚封園頌教文

當守 戊戌

蓋間禮重報本祭貴從先殷立仲春之祠實基商丘
之祀簡狄周有先妣之享亦因后稷之廟姜嫄茲率
毓祥之舊章庸飾揚徽之新典洪惟靖嬪潛靜之德
濬發真考啓佑之休玉度彌貞贊柔化於玄統瑤光
載耀衍繁祉於青宮迨天時屬餘慶之昌而今日稽
加隆之節大統式昭於鳳曆既遵寧考之遠猷嘉徵
追報於燕禱自有我家之成憲纔完躋紂之殷禮遂
薦宮園之崇名竹簡銀章之煌煌考德議謚丁閣重
檐之屹屹備物稱儀損益得古今之宜邦典歸一藻
節視南北之制廟貌成三惟茲大庭之播脩亦述先

后之藝則以一國興孝之道既情文之罔愆在八域
同慶之謨詎曠蕩之或斬爰布由中之誥特宣推下
之恩云云於戲邦祿荐臻人皆曰亨泰之會基業艱
大予自切臨履之心

大提學徐
命膺製

文苑黼黻卷之九

文苑黼黻卷之十目錄

頌教文十二 附廟

神德王后附廟頌教文

文宗大王附廟頌教文

端宗大王復位附廟頌教文

世祖大王附廟頌教文

貞熹王后附廟頌教文

德宗大王附廟頌教文

睿宗大王附廟頌教文

端敬王后復位附廟頌教文

宣祖大王祔廟頌教文
宣祖大王入世室頌教文
元宗大王祔廟頌教文
仁祖大王祔廟頌教文
仁祖大王預定世室告廟頌教文
孝宗大王祔廟頌教文
仁宣王后祔廟頌教文
顯宗大王祔廟頌教文
明聖王后祔廟頌教文
肅宗大王祔廟頌教文 二

肅宗大王入世室頌教文
仁元王后祔廟頌教文
景宗大王祔廟頌教文
宣懿王后祔廟頌教文
英宗大王祔廟頌教文
頌教文十三 文廟從祀
五賢從祀頌教文
宋朝四賢本朝兩賢從祀頌教文
文成公李珣文簡公成渾復享頌教文
宋朝六賢配大成殿頌教文

文苑補遺卷之十
文元公奎長生從祀頌教文

文正公宋時烈文正公宋浚吉從祀頌教文

文純公朴世采從祀頌教文

文苑補遺卷之十

頌教文十二 附廟

神德王后附廟頌教文 顯宗已酉

舉先代追緝之儀有事太廟將一國同慶之意告爾
多方本人情之所安信天道之必復仰念古我先后
實惟~~國~~顯妃位正中宮光膺天子之命毋臨東土
首闡風化之基雖人代之迭遷尚音徽之如在追思
歲諫聖祖之悼痛彌深祇奉山陵獻廟之誠孝備至
惟配食終缺於世室並闕殷薦之祠而謬議初出於
廷臣諒非先王之志蓋緣一后之舊制遂致累朝之

文苑補遺卷之十 頌教文

因循生則居儷并之尊已定名號致而違同几之饗
有歎經常宗祏攸闕固事體之莫大神靈無托奈情
禮之靡寧象設先修於寢園故實更徵於簡冊漢帝
深惟於大義世所共稱宋后始紉於元豐時或有待
違孝以善繼為重實貴變通之宜先后有並紉之論
豈容前後之間斯誠寡昧之丕責矧係倫紀之至嚴
某月某日躋紉于廟瞻廟貌而增光陳禮容而興感
仙遊斯集慰祖宗在天之心輿情可觀答臣民舉國
之望韜景復曜聿不昧於三百年之間藝章式彰庶
有辭於千萬世之後永念曠古之典詎闕諭衆之音

云云於戲適推追遠之誠佇望民德之歸厚仍霈好

生之澤咸與庶品而圖新大提學趙復陽製

文宗大王紉廟頌教文端宗甲戌

制終三年爰稱徽顯之禮歡同四域盍推寬大之恩
予以眇躬叨承丕緒方懷在疚之痛奄屆即吉之期
某月某日躋紉于廟聿嚴玄衮之儀親裸明禋之享
屬茲慶舉當布寬條云云於戲熙事載成既受釐於
祖考景貺斯溥宜均福於黎元

端宗大王復位紉廟頌教文肅宗戊寅○同時附之順王后

曠典修於宗祏紉儀既成大慶洽於神人綸音載播

寔出至恂用答群心言念前代禪傳之盛規必有當
世位彌之隆報蓋脫屣萬乘固至德之無稱况臨宸
一邦豈尊名之終闕恭惟端宗大王元嗣正位冲歲
承基天質夙著英明可期守文之盛時運雖繼熙洽
尚有多難之憂秉禮而克謹大倫虛己而仰成懿戚
倚毗深摯洵若成王之待周公揖遜從容藹然虞帝
之授神禹是為達權而識命賴有鞏業而繇圖享太
上之尊榮四字之徽稱既備篤兩宮之和敬每月之
朝禮頻伸不幸變釁屢興遂見崇奉終替謙光可質
於在上寧有王室危疑之虞謬議悉出於盈庭諒非

聖祖親愛之志聲澤掩翳廟饗闕而靡依山川渺綿
仙遊遠而何所肆神理之久鬱增輿情之胥恫三載
臨御之尊豈以幽顯而有間一代禪讓之懿汔未表
揭而致崇徽故實而恒懷感歎詢庭議而庶伸情禮
惟累朝因循而有缺宜思繼述之方雖世序久遠而
及祧敢緩經常之典追躋廟室悉復儀章並隆坤闡
丕揚徽躋悅精靈昭臨而洋洋乎上想祖宗默慰於
冥冥之中象設俱新於寢園百神來衛龍旗載迎於
私第庶品交欣信天道之必伸乃歷二百年而如待
始邦禮之無憾可祚千萬代而有辭允為稀闕之盛

休詎無曠蕩之洪澤宥辜而至重辟咸圍並生推恩
而逮庶僚嘉與同慶云云於戲彛章肇舉於遐祀庶
諒追遠之誠溲號誕敷於多方共勉圖新之治

大提
學徐

宗泰
製

世祖大王紉廟頌教文

成宗庚寅

三年制畢禮既稱於顯徽一國歡騰恩盍推於寬大
予以眇末叨襲靈畝方在疚終天之抱恨奄中制即
吉之屆期某月某日躋紉于廟親裸明裡寔舉綈禮
屬茲莫大之慶宜布非常之恩云云於戲既告成於
熙事受神明之純禧肆大霈於洪恩與黎元而同慶

貞熹王后紉廟頌教文

成宗乙巳

追遠慎終式展崇紉之禮滌瑕蕩垢宜布寬大之條
予以寡德叨守洪基方懷在疚之痛奄屆即吉之期
情則無窮制不可過某月某日躋紉于廟親裸明裡
以舉綈儀屬茲莫大之慶合推非常之恩云云於戲
殷典告成於神明並受其福鴻澤普施於黎庶咸與
維新

德宗大王紉廟頌教文

成宗丙申

原天性之謂親而親實主於恩緣人情之謂禮而禮
不忘其本此古今不易之常道予以眇躬叨繼大統

文苑補後

卷十 頌教文

四

文苑叢書 卷一
之重追惟皇伯考永抱終天之痛別立原廟而守陟
降寔尊親之未至寧予心之所安考古酌禮將事由
而敷奏因宜稱情乃帝命之允俞載錫徽誦以極尊
崇當紺闕宮永享宗祀某月某日躋紉于廟式舉升
紉之綈儀兼歲上春之明禋聿彰孝治用厚民風屬
熙事之告成盍鴻恩之大布云云於戲七世廟可以
觀德既序昭穆之位而奉安一人慶衍而賴民宜霈
雷雨之澤以赦宥

睿宗大王紺廟頌教文

成宗壬辰○同
時附章順王后

三年制畢既殷禮之肇稱一國歡騰宜洪恩之大霈

予以眇躬叨承丕基永抱終天之痛遽臨即吉之期
某月某日躋紉于廟親薦灌鬯乃舉綈儀屬茲莫大
之慶宜布非常之恩云云於戲盛禮告成受神明之
純祐殊恩是布與臣庶而恭禧

端敬王后復位紺廟頌教文

英宗己未

畢修闕章宗事靡憾纔訖紺禮大彌斯颺聿神人之
胥欣宜區域之同慶粵我中廟靖國之日乃有聖妃
遜位之寃壹德罔愆實贊天地再造之烈廷議多謬
遂缺日月並耀之輝當其草創之辰縱勉循於群請
觀乎糟糠之教夫豈出於本心嗟時事有未忍詳焉

文苑叢書 卷一 頌教文

固人心所不能忘者兩臣之疏請忼慨惜未見行於當時百世之公議昭森誠若有待於後日顯廟始置守塚稍欲表崇寧考特命建祠蓋亦義起惟事體至難而且重故典禮宜舉而未違予有感於累嘆天實為之陰啓歷攷前議雖不無甲乙間相持之言仰承慈旨始可徵戊寅後追恨之教夫然後予志益決又從以輿論咸同遂復元后之尊仍舉太室之祔倣魯人順祀之制位序秩然體漢宗故劍之思情文備矣幽寃積鬱之盡滌天道必伸神理物情之俱宜邦禮無缺象設儼園寢之崇飾徽烈並琬琰而齊光我享

我將予小子夙夜靡懈迺作述前寧人志事有終
閱休寔所曠前洪澤詎緩推下云云於戲祖宗神靈
之所嘿啓縟禮斯成邦域臣民之所共欣溲踊是敷
允寬宥厥有舊典而遠邇咸囿新休藝文提學
補師洙製
宣祖大王祔廟頌教文光海庚戌○月
時祔懿仁王后
格于文祖聿嚴升祔之儀錫厥庶民爰施浚汗之典
嘉興四方同慶慰此三載餘哀予以眇眇之躬屬在
榮榮之夜踐位行禮慕益切於羹牆遺大投艱懼恒
深於淵谷未釋終天之痛遽踰中月之期某月某日
躋祔于廟瞻望喬山永懷弓劍之遠臨御法殿何心

袞冕之華五璣黃流洋洋太廟之靈既鈞陳玄武濟濟明庭之絳儀既熙事之迄成敢闕休之專享咨爾有衆孰非先王休養之人與物為春宜推今日曠蕩之澤爰舉斯而加彼庶更始之自今云云於戲民日自新夫孰云小人之幸刑期勿辟是所謂大德曰生

大提學李廷龜製

宣祖大王入世室頌教文

肅宗丙辰

三年之制垂畢載攷遍祧之章萬世之功不忘聿升宗祀之位神人胥慶邇遐均歡仰惟皇祖之宏猷求諸前代而罕匹至誠事大有忠順不懈之褒洪烈侔

天復祖宗無疆之業中興偉烈既流徽於華夷一惠休稱故齊芳於周漢居然年紀之遷易逮至眇末之忝承抱餘痛於商陰禪期漸迫遵舊制於魯禮祧事將行顧有重三宗之規禮官所以屢請合舉祀百代之典廟謨亦云僉同故宗式據於史編斯絳儀舉於世室文皇之德莫盛秩禮宜尊武王之祀不遷精靈永安明裡罔缺備一代之情文睿圖彌彰聳四方之觀聽統伸侑安之敬用頌告諭之辭云云於戲肆殫逮遠之誠弘乃祖考仍推奉先之孝勉爾臣民

大提學閔

元宗大王紉廟頌教文

仁祖甲戌○同
時紉仁獻王后

恭承寵光載完封典上序列祖爰舉紉儀方無憾於
予心庶有辭於天下言念宗廟之禮所以享祀其先
宗德祖功或隨時而無數父昭子穆有定位而不差
斯為建國之常規莫非報本之至意丕惟先王之毓
德俾予小子而承休屬茲諸孫仍嗣有於今緒事闌
宗統要可已於追尊奉別殿而權安蓋將有待叩皇
扃而仰顙未敢自專頃因使价之還得蒙綸音之降
丁寧一札特賜彌廟之稱差過十年多慚禮部之問
禮樂出於天子誰曰不然仁孝根於秉彝乃兩固有

顧緣憂服之未畢而致緝禮之久稽在算先陰嗟已
更於一歲因循欠典詎暫安於九重爰節廟制之當
然聿求天理之極致前彝可考成命則存時惟暮春
職在宗伯履雨露而增惕卜日時而告成某月某日
躋紉于廟異室同堂有增曾高祖彌之序等上頌下
咸得仁義重輕之義宗祏增先神人允協鑑三代之
遺禮豈曰無徵俟百世之聖人庶幾不惑肆申澳汗
之誦仍頌雷雨之恩云云於戲惟聖畫倫惟王畫制
為生民而立極敢有不欽藉先靈而仰成庶圖更始

大提學崔
鳴吉製

文苑叢書

卷十 頌教文

八

仁祖大王祔廟頌教文

孝宗辛卯○同時中宗大王定世室祔仁烈王后

并祔列祖殷禮肇成澳跡多方彝章斯舉事實關於同慶心詎忘乎餘哀永念寡昧之躬猥承艱大之緒踐其後行其禮懼堂構之或隳食則羹坐則墻慕音容之如在光陰易邁奄踰中月之期霜露增悽曷堪終天之痛聿稽先王之制素重合饗之儀矧惟我中廟之功休固宜應世室之崇報當茲迭遷之日可無歸美之稱某月某日躋祔于廟肅肅陟降于庭於焉觀德洋洋鐘鼓之享經我思成法殿衮衣何安臨御之尊貴殷憂多難惟懷訪落於臣隣徽典既訖於奉

先洪恩詎闕於逮下無競維烈於戲沒世不忘咸與維新庶幾自今更始爰推解澤於區域肆用敷告予賢腸云云於戲燕翼貽謨期罔愆於繼序龜疇錫福庶共覩乎休明

大提學趙錫胤製

仁祖大王預定世室告廟頌教文

肅宗癸亥○孝宗大王同定世室

武烈文謨既百世而難忘祖功宗德宜兩室之不遷尊稱允協於彝章盛事聿告於清廟肆敷澳跡用答輿情惟我仁祖之中興實同開國而勦業撥之亂而反之正倫紀復明應乎天而順乎人宗祊再造拯民塗炭脫死亡而獲安維國苞饜經變故而彌固粵若

孝廟之繼體載致景命之新邦值時運之方屯思恢
王道存天理之未昧用泐人心雖中塗而棄群臣志
業未就然下武之開後嗣風聲克彰居然年代之推
遷爰及眇末之承續耳目不遠幸文祖之可詳烝嘗
是將懼湯孫之或替永念歷代觀德之典實由世室
不祧之規殷人之立三宗本在世數之外漢家之尊
二帝不待親畫之時予乃博訪於廷僚咸請早定其
宗祀親賢樂利知前聖後聖之同休物采聲容與文
室武室而齊盛揚徽贊美固難得以名言致崇加隆
祇宜盡其嚴敬鴻名預建俟後人而何疑駿德益光

想前烈而如在茲於本年三月初四日以仁祖大王
孝宗大王預定尊為世室事遣大臣告于宗廟永寧
殿既闕宮之薦爵仍大庭之宣綸備一代之情文邦
禮罔缺聳四方之瞻聽國勢自尊云云於戲推奉先
之餘思冀徽福於上下施滌瑕之殊典庶均歡於臣
民與物維新自今伊始

大提學南
九萬製

孝宗大王拊廟頌教文

顯宗辛丑

見于羹牆既切追遠之感享之宗廟爰舉陞祔之儀
誕告多方庸示同慶頃屬小子之無祿遽罹上天之
降喪未遂代某之誠斬焉在疚猥承畀汝之責惕然

頌教文

文苑菁華 卷十
自驚采增茹痛而啣哀詎安踐位而行禮流序易邁
制甫畢於三年神幄載移期又迫於中月肆行合饗
之典可見咸秩之休某月某日躋紉于廟巍巍有光
于前寔謂觀德洋洋如在其上於焉妥靈豆登籩盛
馨香黍稷之薦金聲玉振鏗鏘鐘鼓之陳明禋克叶
於吉蠲愴懷益篤於愼儉仙馭已遠望園陵而摧心
法殿初開臨袞冕而隕涕茲當緝禮之訖聿循舊典
之常諭予勉抑之情特霈咸宥之澤云云於戲允在
率土共被先朝覆燾之恩以期無刑庶臻今日熙洽
之化沒世不忘猶有彌泣之遺氓大德曰生宜體涵

育之至意

仁宣王后祔廟頌教文

肅宗丙辰

日月之行不停已愴禫事之過宗廟之禮斯序幸覩
紉儀之成肆將餘哀庸申誕告仰惟仁宣之懿德夙
膺皇祖之好逖遠塞冰霜共艱難之萬狀壺位綸翟
贊治化者十年望南遊而莫追慟結湘筠之染淚御
東朝而益貴歡深漢宮之含飴倏仙期之易盈而至
養之難久羹牆孺慕拚膝廬而齋芳琬琰徽稱軼周
妣而並美誰謂降割之愈酷乃見陟方之遽催惟我
家厄運之荐罹豈聖孝過哀之或致願予眇末曷堪

文苑菁華

卷十 頌教文

十一

大業之遺投冀爾朝夕祗奉兩殿之香火哀違已極
於人理儼然齊衰斬衰誠敬敢望於先王甫畢常祭
禘祭禮制有限追慕之心無窮彛典是稽并祔之文
克備某月某日躋紂于廟鳳蓋雀扇燬矣維新玉匱
金箱果然如在躋列聖於九室邁豆孔嘉配寧考於
一龕精靈或悅陳禮容而將事瞻廟貌而興懷斯誠
八方之聽施且悲且喜可無十行之諭教如綽如綸
亟推奉先之情忱爰施滌瑕之惠澤云云於戲罪戾
寬活囿品物而涵濡宗祀光輝保子孫而昌熾

照製

大提學問

顯宗大王祔廟頌教文

肅宗丙辰

制畢諒閭孺慕深禮躋宗裡綉儀斯舉茲當敷告
于八域尚切慨廓之餘哀仰惟我先王鴻謨允貽後
嗣人燕翼恭已南面凜凜然若臨淵而履冰盡禮東
朝洞洞乎如奉盈而執玉敬天育物無非寅畏之方
蠲役賑飢摠是子惠之道克儉無間於夏禹丕顯寔
邁於周文逮至慈聖之奄并洞辨功制之大謬淵衷
覺悟日月之明難欺典禮昭彰天地之經不紊方幸
國虞之才定遠見家禍之荐臻邈仙馭之難追眇末
何怙痛憂服之未闋穹壤未窮節序如流幾興霜露

文苑補遺

卷一

頌教文

七

文苑補遺卷十
之感劬勞莫報每泣蒙我之篇條爾禪祥之已過儼
乎陞紂之以式某月某日躋紂于廟肅遵劔之有楚
紀事孔明備儀物之維新情文固缺斯誠百世之彛
典宜與一國而同休一遵姬章雖申侑安之敬重行
殷禮曷任感愴之懷斯推奉先之誠用沛逮下之澤
云云於戲惟興孝之在此均有秉彝俾遷善而不知
奚止宥罪

明聖王后紂廟頌教文

肅宗丙寅

喪期纔畢方當慨廓之辰緜儀斯陳聿修并紂之典
尚餘哀之切切庸敷告之申申恭惟明聖王后如太

如之嬪周如宣仁之母宋深仁載物徽音永垂於長
秋至德承天陰化咸囿於率土逮寡昧之繼序承教
誨之歷年當國勢危急之時悉稟慈旨在宮闈間燕
之際尤盡義方期奉萬歲之歡愉奄棄三朝之榮養
出入啣恤痛予身之獲戾于神祇明發有懷念先后
之遺大于眇末居然節序之屢改遽爾祥禫之相仍
見於羹牆曷伸孺慕墮于寢廟肇舉宗禋既熙事之
備成猶巨創之難忘載冕服而朝列祖縱聞樂而何
安陳黼宸而見群臣宜改賀而為慰惟是吉凶之變
亦予更始之端一室並尊幸情文之罔缺四方同慶

寧諭教之是稽想臣民悲喜之在斯而邦家休祥之
自此云云於戲心無窮而禮有節克隆大孝之原往
必復而感則通庶成維新之化

大提學李
敏叙製

肅宗大王祔廟頌教文

景宗壬寅

孺慕誠深纔闕亮闇之制宗經禮重聿循躋廟之儀
茲當告爾多方尚切廓然餘痛恭惟我寧考偉烈卓
越古哲王洪功政刑德教之並修春生秋殺鰥寡孤
獨之有養天覆海涵愛物仁民神化馳於八域采顏
順志和氣藹於兩宮至如軒曜之重光益驗日更之
皆仰復魯陵之仙寢孝通神明臨周苑之報壇義播

遐邇開筵講正心之要聖功克新東帛徵在野之賢
儒教大闡凡厥日用間施措皆從天理中推來豐芑
貽謨幾俯垂於燕翼崗陵祝壽期永侍於龍樓云胡
眇末之獲殃遽覩皇穹之降割烏跽莫逮至痛纏於
終天駟隙如流外除過於中月遵繩墨而無改隨事
體行見羹牆而有慄觸處哽咽爰舉升祔之典載修
咸秩之章密邇魂宮尚希晨昏之定省瞻望太廟轉
切霜露之愴悽儼緝儀之斯陳情文兩備肅遵豆之
有楚悲喜交並同慶之休垂淚而告云云於戲前王
不忘後嗣何依琴不成聲豈徒孤嫜之小子澤猶未

泯必有踴泣之遺氓

大提學 姜觀製

肅宗大王紂廟頌教文

景宗壬寅○同時附 仁教王后仁顯王后

終天靡逮仙仗永隔於彤闈吉日載消神龕乃并於清廟三殿之綽禮齊舉八域之綸音誕宣惟我先王誕垂五十載鴻功盛烈及爾後嗣允貽千百世燕翼宏謨薦報壇以苾苾增吾義氣植藏寢之松栢激人忠肝曾無憚日月之更孰復有天地之憾寢疾彌篤念愈係於黎黔禮羅復張誠不替於巖穴盛事踵西樓之先武嶽海之祝方深遺制體長陵之右虛劒鳥之影奄闕居然外釋乎首杖條爾內撤乎几筵商律

戒秋荏苒天上之星月殷禮在祀悽愴廟中之焄蒿伏况聖母之同躋轉深小子之追感寶筮不永恨失福履之絲五度彌貞益著先復之慶金輿玉輦交迎馳道之東西雀扇羽旗分衛神幄之前後儀仗肅穆遵豆靜嘉某月某日躋紂于廟并享之彝典既成咸秩之洪休聿覩躬進黍稷寓永慕於羹牆耳滿鏗鏘聞不樂於鐘鼓穹壤靡極攬雙涕之汎瀾袞冕何安增一心之慨廓情文罔缺紀事孔明洞洞戒存乎中奉瓊壽而怵惕洋洋如在其上想玉几之尊揚追深誠於奉先沛洪私以逮下云云於戲一國莫不興孝

思先朝覆委之深恩萬姓均有素奠體今日涵育之

至意

副司直徐命均製

肅宗大任入世室頒教文

英宗己酉

至治此三代隆仰先烈而永慕盛德必百世紀遵古禮而亟行既消吉而告成庸享踰而頒慶言念清廟之制自有世室之規蓋文昭武穆之親有時而或盡故祖功宗德之報當祧而不遷若稽古殷周間藝章可法於後亦粵我六士聖尊享永垂無窮禮亦宜然斯為盛矣恭惟肅宗大王聖神凝命精一傳心英明孝友之資冠絕今古剴毅洪大之德駕軼皇王敬天

勤民念切憂畏崇儒重道功臻緝熙惟治平寔本於躬行則施措動合於天理壹任再正舉漢宋未行之儀苑壇肇營明春秋莫大之義君臣之喪制已復睿斷出常大小之闕典載修邦禮罔缺洋洋乎聲容文物之可述蕩蕩乎德業功烈之難名身享太平成廟際熙運復啓襟藏靈壽太祖後盛事重瞻故臨御五十年間而度越千百王上窮山極海涵至化而不忘厚地隆天齊聖德而寧泯雖微稱勉膺於當日曷足盡其揄揚顧殷禮可徵於列祖宜永享於綸紀序未及窮而大論早定事在應行而群情胥同表揭倫彝

可觀德於五世鋪張義烈其有辭於千秋肇祀允協
於神人情文無憾顯親罔間於上下感喜交并享十
室而同尊猗歟聖人之累作歷萬禩而無毀燬然日
月之常鮮茲於本年十二月初一日以肅宗大王尊
為世室事遣大臣告于宗廟永寧殿既薦爵於闕宮
仍溲綸於法殿臣民聳聽攀綈儀而均歡宗祊增光
配前體而綿慶斯誠曠絕之徽典詎無寬蕩之沛恩
思與物而俱新迺推惠於一視云云於戲揚徽贊美
敢言小子之忱誠致崇加禮亶副舉國之願望

徐命
均製

弘文
提學

仁元王后祔廟頌教文

英宗己卯

殷制甫終方深慨廓之思魯廟虔告爰舉升祔之儀
茲當溲音之誕宣尚覺餘哀之采至洪惟太母之徽
猷盛烈允邁前代之哲后賢妃贊聖謨於憂勤惕厲
之時化資簪珥奠國脉於危疑極蕩之際策決薦帷
五紀御尊厚坤載育物之德十冊揚美晚祿享舍飴
之懽嗟小子不吊于天而徽音奄闕一夕喬山之歲
月屢換仙遊已遐長樂之晨昏永違春暉莫報惟微
悃自盡於親裸故毀憂敢願於暮齡哀疚靡寧入則
如無歸也縗麻奄闕嗟乎此何人斯孝子之追慕無

文苑補載

卷十

頌教文

七

窮始欲待秋丁而撤几先王之制禮有限今乃消吉
辰而薦裡某月某日躋紉于廟迨茲躋配之禮纒成
奈此感觸之懷愈切清道之仙仗儼列瞻焉莫攀同
龕之寶座高臨儼然如在嫫嫫抱愧悒之思御黼宸
而何安衍衍有奏倣之休撫焄蒿而增憾今幸禮儀
之率度詎無王言之播脩念慈天罔極之恩孰無沒
世不忘之痛體平日好生之德宜思與物皆忻之方
惠澤均霑瑕垢盡滌温音誕降品彙昭蘇云云於戲
軒懸不作於賀庭可見悲懷難抑盼蠻並流於寰域
庶幾寘庥永垂肆以愴舊之心庸勉維新之化

金陽澤製

官大
提學

景宗大王紺廟頌教文

英宗丙午○同
時附端懿王后

先陰迅邁痛音容之莫追寢廟孔安遵禮秩而載紉
茲頌大彌以諭衆尚覺餘哀之彌衷言念前寧王若
勤誕受我皇考休命玄功洵穆仰代理之潛孚至行
純深藹孝悌之寔篤恤飢則若恫瘝之在已遇災則
必蠲被以責躬蓋五載之端臨恒一心之祗若真遊
遽促胡降戾之斯偏天位克艱奈嗣德之弗類徒切
羹牆之慕每軫堂搆之隳居然三年之制除靈几已
撤及茲中月之期訖神幄將移至若喆妣之畜齡久

文苑補遺

卷十

頌教文

十一

矣芳塵之隔世義重齊體固罔間於幽明儀舉同龕
諒有徵於故實某月某日躋紉于廟休享式叶盛美
愈彰巍巍有光于前寔謂觀德洋洋如在其上綏我
思成範範於論備園鐘之交奏遵豆有楚薦嘉實之
馨香肆聖靈永裕乎安寧顧予情深乎怵惕御衮
臨宸尚何安於居尊膺圖紹庥斯益勉於訪落既訖
成於熙事用敷宣於至懷庶幾自茲維新允合舉斯
加彼咨爾衆庶孰非先朝涵育之餘與物咸和宜推
今日曠蕩之澤云云於戲神化不泯丕闡綿永之休
協氣苟流共撫亨泰之運

大提學李
宜顯製

宣懿王后紉廟頌教文

英宗壬子

喪制甫闋奄過慨廓之辰紉禮肇成庸浚播告之旨
餘哀未已同慶何心恭惟敬純孝仁惠穆宣懿王后
先朝亂臣一國聖母載物德厚洽慈恩於群生繼體
義隆極榮養於長樂差餘淚未乾於梧野而真遊遽
促於雲鄉彤管垂徽攀踊舉均於率土寶奩興愴孝
思自盡於通喪奄終制於勝廬居然踰月遂有事於
魯廟巍乎配天某月某日躋紉于廟迄茲大禮之已
完奈予追慕之深切引神輿於清道况瞻舟梁之儀
並寶座於一龕宛共欄花之賞儀文即吉御衮冕而

頌教文

靡安陟降如臨撫焄蒿而增減改賀而慰於禮則然
追平日好生之仁可無咸宥之典當三年過音之後
庸答同忤之情云云於戲修爾星霜之屢更吉凶順
變秩然琮璜之有序悲慶交中斯以愴舊之心勉圖
維新之化

宋寅明製

英宗大王祔廟頌教文

當守戊戌○同時祔貞聖王后真宗大王孝純王后

哀疚尚存中月遵常禫之制昭穆並祔吉日舉大享
之儀敬率藝章誕揚明誥永惟英廟之峻德允協列
聖之顯謨南州建宮尊上祖而薦蒸嘗之禮止苑同
墀奉三皇而展朝宗之誠立極而百僚承刑會歸王

化均賦而萬民蒙福歌詠聖恩嗟真游之已遐奄喪
制之甫訖望喬山之松栢仙駕莫攀瞻寢殿之豆籩
織冠遽稅矧我文母配于寧王五紀贊治太妃每稱
純行六歲奉訓小子敢忘至慈粵若烈考之溫文夙
荷皇祖之顧愛橋門頌齒學之慶爭聽瑜佩之聲世
室告繼體之休緬仰綦綬之美寡躬踐阼既叨千乘
之尊懿踰正宗合濟七廟之祀維翟闈之纘柔則亦
彤管之載徽音玉匱金箱肇遷四阿之重屋雀扇鳳
蓋同升九階之達鄉某月某日躋祔于廟祫饗始成
禮儀孔備位序秩秩藹馨香之升聞陟降洋洋儼羹

牆之復見那堪靡逮之痛迄切如在之誠屬屬然猶
 弗勝睹雕几而恍惚遂遂乎若復入真疏勺而噓唏
 裡事聿終仍推曠蕩之典霈澤斯布咸彼涵宥之仁
 云云於戲軒懸不作於賀庭亶出愴舊之典盼鄉並
 流於寰域可見維新之休

大提學李
徽之製

頌教文十三

文廟從祀

五賢從祀頌教文

光海庚戌

天之生大賢也不偶實係消長之機德必得常祀
 而無疑宜舉崇報之典茲用播告俾有依歸稽我
 東國之偏荒罕傳正學之宗旨箕疇布教雖識禮

義之方羅代蜚英未免詞藻之陋迄至麗季千歲
 董見圃隱一人洪惟祖宗熙洽之辰允屬文明振
 作之運有若金鄭趙李五人者出真得瀛洛閩閩
 諸子之傳格致誠正之功其揆一也讒諂媚嫉之
 輩誰使叅之窮通有時縱負一時之屈是非自定
 何待百年而知惟混也遭遇兩朝其志則挽回三
 代立言垂訓實是海東之考亭格非獻規不愧河
 南之程氏肆並隆爵謚之贈顧未遑俎豆之儀在
 正德紀元始有儒臣之陳請自先王初服屢見多
 士之抗章惟其舉措之難輕豈云尊尚之不至逮

予續緒恨不同時尚有典刑奈九原之難作其從
與享庶百世而為師爰答四十載願望之情不擬
千萬歲太平之業於戲是邦大夫賢者孰無尚友
之心吾黨小子斐然永存矜式之地

大提學李
廷龜製

宋朝四賢本朝兩賢從祀頌教文

肅宗辛酉

王化之本無出於右文聖廟之中莫重於侑食既陞
黜之得正宜敷告之用申言念秩禮於瞽宗罔非獎
明於儒術蓋自孔門束脩之群弟以及後代私淑之
諸賢大焉道統之所存皆已尚德小而講師之相守
亦不廢功然或去就之舛差未免前後之指議貞觀

所進則半得罪於聖教靖康以降則多見遺於真儒
如揚羅接河洛之傳承與李黃明考亭之受授九人
之濫紀宜斥在中朝而已行四子之宗派可躋應古
法而不惑稽俗傳之爽實必也正名改舊列之乖倫
是以論世至我列祖之累洽乃有偉人之並興文成
之造詣高明生稟光嶽文簡之踐履敦篤篤學本家庭
同沂洙泗之淵源蔚為海東之山斗理氣性情之辨
已極精微規模事業之隆益致廣大宏言崇論斷斷
乎其致主之誠卓識全才伉伉乎其任道之勇嗟抱
負之未究尚風烈之有徵爵謚雖崇何足為盛德之

報是非既定益可見沒世之思繼五賢而追享固宜
 歷三朝而衆籲彌亟加隆先哲庸補紀典之闕遺表
 章兩臣尤切士類之觀感主張斯道之責寧不在予
 鼓舞一邦之人亦將由是方當大正於文庶允合齊
 舉於緝儀云云於戲道不異於古今人豈間於遠近
 事光前代克示趨向之途風動四方庶致作新之效

大提學李
敏叙製

文成公李珣文簡公成渾復享頌教文

肅宗甲戌

道之將廢也命聖廡之紀典久虧天其未喪斯文黷
 庠之緝儀重舉肆揚大誥誕告多方言念世道之污

隆實係儒化之興替太牢之祀肇朔而漢室之錄繇
 偽學之禁大行而香孩之祚促惟前代得失之跡歷
 歷甚明顧後王鑑戒之方班班可考矚茲青丘之文
 教粵自本朝而蔚興列聖培養之勤儷美於隆古真
 儒輩出之盛匹休於中華當宣廟履端之辰有二臣
 並世之作李文成之光明迢邁卓乎天分之甚高成
 文簡之篤厚莊嚴得之家訓之克正夙許芝蘭之臭
 味終期麗澤之切磨沉潛乎洙泗閩洛之書直契正
 脉剖析乎天人性命之理洞見大原知行兩造之工
 明通公溥敬義夾持之力內直外方遠識微言多是

發前人之未發宏綱大用自任傳絕學之不傳欲忠
者君庶展一生之抱負願入於黨可見千載之昭融
法筵第一條呂原明之奏對時務數千策朱考亭之
封章若將大有為於時惜其所不能者命蒼天不憇
利澤未究於生民赤舌孔甘際遭靡終於明主伊風
聲之不泯百世可師故俎豆之同躋多士咸願歷累
朝而未遑重典逮寡躬而始循輿情學舍生輝國人
有所矜式士林增氣文風佇期作興頃緣黨人之當
朝未免巧讒之惑志常經久廢英靈之安揭無憑吾
道將窮善類之隱痛靡極雖覺說之醜正厥罪莫逃

顧偏聽之生奸予心有覲茲當更張之日即發悔悟
之端凡諸瘴惡而旌忠莫或不舉矧此崇儒而尚德
尤豈少徐固已默斷於中而圖新捨舊不待齊訴於
下而累牘連章茲消吉辰復舉盛典答六載願若之
望中外均歡開萬世太平之基臣隣共賀春秋莫祀
宜虔駿奔之儀章甫瞻依永裨蛾述之化云云於戲
天運之顯晦相效縱見屈於一時人心之是非自明
豈待定於百歲惟精爽之不昧儻昭格于茲誠尚光
塵之可追庶羽翼夫斯道蔚啓維新之慶冀垂久安
之休

大提學吳道一製

領教文

二十一

宋朝六賢配大成殿頌教文

肅宗丙申

群賢優入聖域位次久歎於彛章綽禮實循輿情服食新舉於廟殿肆揚十行之綸綽誕告八方之衿紳惟夫子聖德如天實萬世道統之祖由顏曾至思孟一貫之妙訣相傳先德行後學文十哲之親炙無異嗟乎七十子既沒久矣千百載長湮幸天運若環相循故宋賢應期輩出光風霽月茂叔灑落之胸襟立雪坐春程氏兄弟之氣像太極通書之奧旨發前人未發之機居敬窮理之大方傳絕學不傳之緒而橫渠極醇無雜暨康節既安且成證頌銘理一分殊蓋

秦漢以來所未有經世論志言象數雖義文復起亦何加若考亭尤有大焉殆上天所以命者三才五常之大道綱舉目張六經四子之微言毫分縷析尊德性道問學内外交致其工夫明天理泐人心巨細咸歸於庸迪其教則博文約禮其功則繼往開來接真派之淵源衆流宗海揭昏衢之日月大明中天倚茲六賢之宏規均為吾道之正嫡尋章鑿句奚數歷代之群儒入室升堂無愧聖門之高第第於廟享之列尚在庶位之間縱時世之因循莫之能改然道德之高下豈若是班曩有先正之上陳仍見國論之大定

緣時詘舉羸之議歷三紀而未遑顧名正理得之辭
雖百世而可質事若有待主張宜在於予哀文不在
茲表章宜急於今日殿宇則姑仍舊貫床椅則補殺
前模倣分東西並四科而齊列道同前後明一統之
傳承事舉而章甫爭歡禮成而祀典克正予以修千
古之曠闕矣但聳一時之瞻聆於戲斯文自此增光
國脉賴以潛壽典刑風範孰無觀感之心械櫟菁莪
庶致作新之化

大提學宋相琦製

文元公金長生從祀頌教文

肅宗丁酉

天生名世之真儒統緒既承於前哲國有從祀之盛

典服食新舉於泮宮式循輿論庸中誕告予惟聖廟
之俎豆實為道學之淵源親炙私澍之賢禮固宜於
咸秩受業傳道之士功不廢於一經迨我列聖之相
承乃有群賢之輩出右文興化寔賴培養之方啓後
光前大贊休明之治斯天意之可見故吾道之長存
睠茲哲人生際熙運服膺賢師之旨訣切問近思潛
心聖學之根源博文約禮惟其實知而力踐是以德
成而道尊瑞日和風萬物熙融堪此氣像之渾厚蠶
絲牛毛衆理昭晰自臻造詣之崇深以弘毅醇篤之
姿有充實光輝之美沉潜理窟之既久考究禮家之

文苑補遺卷之十一
九詳古今損益之宜斟酌得正吉凶常慶之節會通
靡遺質諸聖賢而無疑言其本末則俱備閔中諸子
競就禮教之橫渠洙泗正傳終歸質魯之曾氏年彌
高而望若山斗跡雖遠而化彼家邦聞風覲德之流
無大小而咸仰謝世正俗之效豈存沒之有殊矣但
文獻之足徵抑亦功烈之莫尚授受端的親承文成
之嫡傳規模謹嚴上接考亭之正脉肆文廟從享之
議即舉國共公之辭斬群請之一俞始緣慎重之意
覽遺編而三復益切尊尚之懷此漢儒箋註之功此
為大矣置孔門羽翼之列孰敢間然矧當士趨之多

歧宜明斯道之一統崇報表章之舉寔惟在予鼓舞
振作之方亦將由是豈容一人之私意豈為百世之
定論云云於戲儒先之道術增光國家之元氣自壯
羹牆江漢慰多士無窮之思楫櫓菁莪期一世丕變
之化

大提學宋
相考製

文正公宋時烈文正公宋浚吉從祀頒教文

英宗
丙子

生多士以寧文王菁莪洽累朝之化尊兩賢以從夫
子俎豆採一國之論茲揚十行之絲綸俾聳四方之
瞻聽予惟世教之扶植宜在吾道之表章象前哲繼
開之功克盡褒隆之典啓後學矜式之地丕闡作興

之休粵聖祖誕敷文治而大賢並生一世有若先正
文正公宋時烈辟立氣像海涵胸懷門路正而淵源
深至訓早襲於函丈規模大而文理密成法一準於
考亭閔陰陽消長之機素履不渝於夷險任春秋尊
攘之義寸心獨炳於綱常托明良之契則堯舜君民
處賓師之尊則伊呂伯仲經綸不外於斯學洞然霸
王之分典禮折中於諸家廓如波濤之闊教誨不倦
於牖後大儒受深衣之傳統緒蓋光於紹前舉世寓
高山之仰才則王者之佐學為聖人之徒亦粵先正
文正公宋浚吉陋巷春生瀟溪月霽資質如金精玉

潤士林咸推以師出處如麟見鳳藏婦孺亦知為瑞
復雪自成家計宗黨得同見之德講說如誦已言賓
筵盡沃心之責粹然一團氣和處展也九分入地頭
敦禮範俗實本於修齊澤流後世閑邪衛道式資於
窮格功大斯文安定之四條誨人才各臻於成就涑
水之一誠律已用不盡於平生是謂命世之姿無愧
升堂之列嗚呼河南兩程之出際宋德之休明洛岡
一泓之傳賴周學之真的誦其書論其世知古今之
相符生同時道同師亦天意之非偶蓋其充實光輝
之美有非言語文字所殫造詣俱極於高明博以文

而約以禮功化不泯於久遠生也榮而死也哀朝家
 之貶贈雖隆不過褒賢之常典鄉社之經紀殆遍曷
 稱慕德之深誠肆有賢闈之連章乃請聖廟之躋享
 一俞之斬已經三紀蓋出慎重之思公議之定不待
 百年果見僉同之籲寶墨耀院宇之揭尊尚粵自先
 朝華邁儼庠廡之陳崇奉若待是日鼓舞一邦之由
 此主張斯道之在予云云於戲禮儀成而月星明班
 序秩而衿紳聳大德必得祀孰無觀感之心流風尚
 有存佇見作新之化

藝文提學
南有容製

文純公朴世采從祀頌教文

英宗甲申

立表準於不偏不倚之域方期一世丕變之休躋名
 賢於先聖先師之宮庸示百載曠感之意茲侈殊典
 俾聳群聽咨予四十年苦心所存思挽三五際和衷
 之盛箕疇闡建極之義遵王道平無陂之謨泮橋燬
 刻石之書揭君子周不比之訓常患夫標榜之各立
 必基亂亡蓋欲使酸醜之互殊卒歸爛熳雖嘗心腹
 數告之屢摯尚慮耳目濡染之難祛苟欲滌朝野之
 弊源用甄新化莫如獎山林之舊德以一時趨緬惟
 昔年作育之辰厥有名儒挺生之美愷悌之姿端凝
 之操濟以忠愛公平敦篤之行沉潛之工該乎體用

本末探理窟而編摩不輟其書滿家闢函席而講劇
惟勤有朋自遠世傳六禮疑輯人誦萬言封章由衡
泌而致公孤之尊曾荷先朝之倚畀審濤潦而得出
處之正寔為後進之瞻依若夫平日保合之論深懷
世道潰決之慮每謂分朋之禍實有燎原滔天之憂
所其濟艱之誠乃欲被髮纓冠而救恤焉抱傷時之
念何論建中之調停超然有見幾之明竊耻甘陵之
黨部肆於上下申告之際必以大小寅協為先叔季
之俗習難醫誰復呂汲公之無私黨前後之世變屢
閱益覺李文靖之真聖人真漢遺風幾切不及見之

恨顧瞻世運實多別有感之懷粵戊寅覽像而興懷
宸章有寓當丙子遣官而致誅微意亦存何泮宮躋
享之尚遲適疏儒陳請之甚懇論神契而若朝暮之
過詎緩表章之方從聖廡而配春秋之經宜舉褒崇
之典必先尊儒賢之學術庸闡蕩蕩而平平然後革
朝著之陋風可致師師而濟濟微夫人誰也蓋為今
日之思為斯世慨然不待百年而定特旨亟宣於中
夜緝儀爰行於吉辰云云於戲一代之瞻聆維新多
士之矜式斯在典型風範孰無觀感之心械櫟菁莪
可見作興之效

藝文提學
尹汲製

文苑叢書卷之十

